

JAN 22 1929

71.684



Giovio, Paolo.

Garman

PAVLI IO=

VII COMENSIS MEDICI
De Romanis Piscibus libel-
lus ad Ludouicum Bor-
bonium Cardinalem
amplissimum.



IN OFFICINA FROBENIANA
ANNO M. D. XXXI

Donati Janochey . ; -

Coll. Patav. Societ. I. P. M.

Pin. G. G. G. G. G. G. G. G.

et.



PAVLI IOVII NO

VOCOMENSIS MEDICI DE
Romanis piscibus libellus ad Lu
douicum Borbonium Car/
dinalem amplissimum.



V A D E S Reuerendissi
me ac Illustrissime domi
ne, qui etiã iure optimo
compellere potes, ut ea
literis tradã, quæ de Ro/
manis piscib⁹ erudite at
que subtiliter fuere disputata, quum te, &
IO ANNEM Lotharingum præclarissi
mi ingenij Cardinalẽ CLEMENS Pon
tifex familiari cõuiuio, ueluti animum re/
missurus, hilariter excepisset. Res est co/
gnitu tractatuq; difficilis, cum propter in/
finitam ferè naturæ piscium uarietatem,
quæ me & plerosq; alios admodũ curio/
sos hætenus irritò labore fatigauit: tum
propter incredibilem scriptorũ discrepan
tiam, qui ex multiplici linguarum uarieta
te perpetuas huiusmodi studijs tenebras
offuderunt. Quibus de causis necesse est,
ut animus rei difficultate permotus totũ
hoc munus, quod maioribus doctrinæ, ex

acriorisq; iudicij neruis esset extendendū, haud mediocriter reformidet. Sed ea est dignitas, amplitudoq; tua & morū suauitas cum singulari optimarū literarum cupiditate cōiuncta, ut honoris mei uel gloriolæ, si qua ingenuis studijs parta est, iacturā planè facere, quàm honestissimo de syderio tuo penitus deesse malim. Verū tu postea iudicaueris, an ego qui rem tam difficilis argumenti & maiorem omnino ingenij facultatem postulantis suscepi, impudētiæ culpa uacauerim, quum eius nominis ueniam iam deprecer, ut officiosus & perhumanus appareā. Proinde hunc libellum ab acrioribus cēsoribus minus seuerè iudicari uelim, quando eum festiua quadam hilaritate ueluti ludibūdus, dum multi per hæc Saturnalia, aleæ, cæterisq; uoluptatibus uacarent, antiquis meis earum rerum obseruationibus memoria repetitis, excogitauerim, & aliqua ex parte perfecerim. Eritq; hic male feriatū hominis ingenuus labor, fortasse præludium iusti, absolutiq; operis, si qui literis ac industria pollent, pposita oculis, & à me quasi per transfennam cōmonstrata, accuratius contem/

contemplari, ac uberius interpretatio-
nibus illustrare uoluerint. Ego certe hoc
munere, & tibi in primis, & illis gratū fe-
cisse uidebor, animusq; etiam meus tanq̃
amœniore diuerticulo recreatus ad insti-
tutas absoluendæ historiæ lucubrations
& firmior & alacrior reuertetur. Exhibe-
nim in publicū propediem huiusmodi la-
boriosissimi operis prima Decas non sine
aliqua spe immortalitatis, & tum quidem
multo auctior & ornatior, si eam tibi &
Francisco Rēgi tuo, quem liberalibus stu-
dijs delectari audiuimus, aliquando pla-
cuisset cognouero. Vale. Ex Vaticano 4
Calendas Aprilis. M. D. XXIII

CAPVT PRIMVM



INGVLORVM pi-
scium nomina, natu-
ramq; indagare, sicuti
infiniti prope labo-
ris est, & doctrinæ
haud mediocris, ita
præsentis nō erit in-
stituti, quū Græci au-
thores qui naturæ rerum abdita diligen-
tissime

tissime perscrutati sunt, suaque nomina singulis rebus indiderunt, de toto aquatiliū genere uarijs uoluminibus abunde conscripserint. Neq; ipsum Pliniū ciuem meum penitus imitabor, qui ut Græcorū inuenta Romanis literis exprimeret, tota natura ubiq; mirifice representata, nō modo cōclusi maris, ac fluminū pisces, uerū etiam ipsas beluas toto oceano fugientes persecutus est. Itaq; nostrorum litorū finibus non abscedam, atq; ij tantū pisces, è quibus Romę generosa parātur obsonia, è Tyrrheno mari, fluuijs, ac lacubus Italię citabūtur. Neq; mirū curiosis esse debuerit, si quæ ueteres prodidere, nostræ tempestatis piscationi, omni ex parte, minime cōsenserint. Nam, etsi easdem semper animantium species perpetuo naturæ ordine terra mariq; fuisse, nequaquā sit dubitandum, multa tamē uarijs de causis uariata, atque immutata uidentur. Insani siquidem principes quibus opes ludibrio erant, sicut hominum, ita & piscium colonias aliquando deduxere, ut luxuria in promptu haberet, quæ pauloante frustra cōcupisset, & nouos inde incolas ipsa litora mirar

ra mirarentur. Scarū enim illum prænobilem in Græcia piscem, quē Ennius poeta, ob excellētiam, Iouis cerebrū uocitabat, Optatus Tiberij Cæsaris libertus, ut ante eum Lucullus cerasum, Campanis litoribus importauit, cuius sobolē uel penitus interijisse, uel, ut credi par est, longo patrij maris desiderio abductū, in Græciam remeasse putamus. Acipenser quoq; ille regum mēsis usurpatus, & cōuersa in caput squammarū serie insignis, eadē ratione, quod fortasse fuerit inquilinus, hac ætate proculdubio euanuit. Peregrinātur enim sua sponte pisces, sæpiusq; natalibus locis demigrāt, tædioq; litorū, uel ab innata lasciuia, ad querēdas nouas sedes p̄ immensa pelagi spacia deferūtur. Nouos etiā pisces retibus exceptos piscatores admirati sunt, quos de extremis maris recessibus, imis que profundī gurgitibus prouenire, uel per Gaditanas fauces in mare nostrū à uastissimo oceano irrūpere credendum est, sicuti etiam certis annorum curriculis inusitati generis aues è diuersa terrarum regione in Italiam aduolasse traduntur. Multa quoque piscatoriæ artis instru-

mēta defecere, quū eius præcepta aut per manus tradí, aut literarū memoriæ intercidētibz ueterum libris, demandari nequiuērint, & cōtrā, nouæ fraudes, aliæq; insidiæ à recentioribus sint excogitatæ, quæ res non mediocrem ad dinoscēdos pisces difficultatē attulisse uidetur: ita ut existimare liceat quosdam pisces, uno argumento quod nusquam appareant, uitare retia, atq; astu nostrorum artes ludificari, aliquos uero frequentius, quàm antiquis euenērit, capi, de quorū nomine nūc maxime dubitemus. Cōstat nonnullos pisces, alias in nullo censu, quod mire principum gulæ placuissent, summam per aliquod tempus publica quadā assentatione claritatem obtinuisse, qui postmodū extincta cum his regibus raritatis opinione, quum omnes saporē ipsum æquali ac libero totius populi iudicio metirentur, uilissimo demū pretio uenierunt. uti modo Merlucchiæ plebeio admodū pisci Hadrianus Pōtifex sicuti in administrāda re publica hebetis ingenij, uel deprauati iudicij, ita in esculentis insulsissimi gustus, supra mediocrem pretium, ridēte toto foro piscario,

iam

iam fecerat. Nec mirū esse debet, quū di-
 uersum aliū atq; aliū palatū habeāt, nume-
 rosioraq; obsonia mari petantur, q̄ terra,
 siquidē non modo uolucres, ceterasq; syl-
 uarum animantes fœcūdiſſima maria gi-
 gnunt, sed ex piscibus etiam instrumēta,
 stupenda uarietate, quæ homines imiten-
 tur, in fabriles usus abunde præbeant, ni-
 hilq; animo concipi uel oculis uideri pos-
 sit, intra hoc cœlum, quo nos integimur,
 quod ipse Neptunus pater in opulentissi-
 mis profundī regnis non habeat & beni-
 gne largiatur. Sed & maior pisciū copia,
 maiorq; uarietas, quàm nunc conspiciere
 contingat, antiquitus Romæ uisebatur,
 quum in summo luxus fastigio peregrini
 pisces à remotissimis Ionij, Siculicq; litori-
 bus peterētur. ob idq; expeditissimi myo-
 parones essent instituti, quorum remigio
 quicquid Brundusij, Messanæ, Tarenticq;
 excelleret, Romanis culinīs protinus in-
 ferretur, eosq; tum maxime sapidos pi-
 sces æstimarent, quos & maximo piscan-
 tium labore, & summis sumptibus quæsi-
 uissent. Sed hoc certe parū fuerit Ionij in-
 colas perforatis inclusos caueis captiuos

trahere, adnitentibusq; remis ac uelis longinqua uerrere maria, ut magnæ Græciæ obsonia nō recentia modo, uerum adhuc spirantia Romani lurcones absumerent: quū in quibusdā Cæsaribus ea quoq; prurientis gulæ petulantia fuerit, ut in maritimis regionibus fastidirēt, quos postea in montanis, locisq; mediterraneis quum essent, ueluti sordescente uenatione, per dispositos equos & quidē multa timētium feruorum diligentia adduci curarēt. Ad inuentæ quoq; fuere piscinæ, quas ad mare, infano quidē sumptu extruebant, ut sæuientium aliquādo uentorū rabies & hac quoq; hominū industria uinceretur, nec castigari luxuria posset, etiāsi Aeolus atque Neptunus, cæteraq; ponti numina, infensa ac infesta epulantibus esse uoluissent. Itaq; nullo anni tempore, nullisq; in locis, etiam à mari procul remotis, egregij Romanis mensis pisces defuere. Siquidem studiū eius rei, curamq; illam, inueterati gentis mores excoluerant, quādo nulla uel frigidulo, ut poetice dicam, digna equite cœna cēseretur, quæ marinis dapibus caruisset. Nos uero contrā, nisi lege
 coacti

coacti piscibus uescimur, quū certis diebus uolucrē aut quadrupedē esitasse, pisculum sit. Ita ut, si animi religione soluerentur, nunquā profecto pisces ipsos, sed capum, perdicē, ganeones, pro mulis, auratis, ac lupis sectaturos appareat. atque hos tātum fortasse, quum gula cotidianis expleta ferculis noua sibi ad inuitandam famem diuerticula quæsiuerit. Tātumq̄ abest, ut pisces cupidius affectemus, ut quadragenis illis uerni ieiunij diebus, neque deorum metu, neq̄ infamia permoti, aliquando ad uorandas carnes, detestāda cupiditate rapiamur. Quibus de causis effectū est, ut neglecta piscatione, uetera piscium nomina penitus exoleuerint. A nostris enim uere tantum ipso, enixe, certatimq̄ piscantibus omnis generis pisces minime capiuntur. Etenim pisces pro uarietate temporū modo uagātur, modo latibula quærunt, in quibus se cōdant, neq̄ illorū captura est, nisi certis ferè temporibus. Clupeæ ad prima statim ueris signa, quum Ciconiæ aduentant, subire Tyberim solent, inclināte uere nusc̄q̄ apparent. In lario etiam lacu Pigus piscis ille clauis caliga

caligaribus insignis, ut Plinius refert, non alias unquā à me, hoc etiam curiose quærente, cōspici potuit, quàm Vergiliarum ortu, quibus maxime diebus Turdi gregatim ab alpibus in uineta deuolare consueuerunt. Sed id præsertim in causa est, cur sæpius fallamur, & difficilime uera ea uocabula deprehēdamus, quod alijs atq; alijs nominibus diuersi litorū tractus (ut Plinianis utar uerbis) eosdē pisces appellent. Nec mirū, quū rem Romanā ita uolētibus fatis barbaræ nationes afflixerint, ipsaq; Europa externarum gētium repleta colonijs, iam pridem ueras literas, & antiquam dignitatem amiserit.

DE CAPIDOLIO CAP. II

MAximus inter pisces qui hæc litora attingāt, Capidolius ab Romanis appellatur. unū ex his, paucis ante annis uasta corporis magnitudine oculis ac dentibus truculentum irata maria ingentibus propulsum fluctibus humilia in uada detruserūt nō longe à Grauiscis in ora Tuscorū. Inhæsit multa reciprocantis pelagi iactatione fatigatus arenę, quam pondere suo, impetuq; sulcauerat. Neq; inde
sua

sua oppressus mole circumagere sese præ inertia aut euadere potuit, quū maria modo tantis inflata fluctibus, subsecuta tranquillitate, frustra eluctantem frequētibus prægrandis caudæ flexibus, fugam in altum multo gemitu molientem, quieto, uadosoq; in litore destituisſent. Ergo perpetuis ueluti circumuallatus aggeribus crebro, multoq; reflatu indignabūduſ & expirans circūfusis populis prædæ atq; spectaculo fuit, membratimq; securibus cæsus & subditus prælis in lucernarum usus liquorem præbuit, tanta erat belluæ uastitas, tantaq; eius dorsi altitudo, ut facile utrinq; pariter equitantibus mutuū aspectum eriperet. Fuere miraculo ingentia ossa in templorum uestibulis suspensa, & in his præsertim oculorum receptacula, quæ orbem prægrandis dolij æquabant. Sed ea res mox in prodigium uersa est, sicuti tristi admodum euentu statim apparuit: quum enim æstiuī soles fœda putrescentis belluæ uiscera feruoribus excitata sanie corrupisſent, quāquam aggesta materia teterrimi odoris fastidio cremaret, breui tamē adeo fœtido, noxiōq; uapore regionem

regionem suapte natura pestilentem infecit, ut ea inauditi spectaculi uoluptas multis incolarū funeribus eo autumnō constitit. Non multis quoque ante annis alia eiusdem generis bellua non longe ab Arni fluminis ostio, sæuiente austri flatibus tempestate, uadis illisa est, quā morbo ac senio multaq; agitatione confectam similis accolarū cōkursus dissecuit, extractisq; ad spectaculum costis, spinæq; Sphondylis, continuo concremauit, ne graui eo halitus aer adfectus insalubrior redderetur. Capidolium à Plinio Orcam uocatū esse crediderim, quā spectante populo Romano Claudius Cæsar Ostiensi in portu longo plagarum ordine cōclusam, ueluti maximo in circo, uel ipsa Naumachia, Prætoriana classe inuectus, circumfusoq; milite, expugnauit atq; confecit, nec minore quidē spectaculi gloria, quā antea serpentem ad Bagradam Attilius Regulus admotis castris & directis catapultis atq; balistis oppresserit. Orca cū Balanis continenter bella gerūt & toto oceano cruentissimis inter se prælijs dimicant, utraq; Gaditanū fretū aliquando ingrediuntur.

Est

Est & in oceano cetarij generis Rota, quã uidit Lusitana classis, dum extremũ Aethiopiã promontorium superaret: geminas dorso rotas gestare uidebatur, ad earum similitudinem quæ frumētarias molas impellente uento editioribus in locis circunducunt. Extimuerunt tantæ belluæ cōgressum periti nauitæ, qui modo ignoti maris immensos fluctus, certa quæ pericula contempserant, satius quæ uisum conuersis uelis fugam capere, quæ expectare belluam terribili fragore uasta spumosa quæ maria proscindētem, & superbo fremitu ueluti conspectis hostibus præliũ cientem. Neque eam terruere excussa nauibus tormenta, quorum boatibus ea maria resonabāt, fugiētes quæ proculdubio immanis bellua uastis mæandris adnatando fuisset consecuta, uentis, ac uelis celeritate cedentibus, nisi mirabunda substitisset. quippe quæ perpetuam intēdentibus fugam, satis gloriosa insectatione uictoriã expressisse uideretur. Cōspicitur & Physiter piscis extra columnas herculeas, Flator ab Latinis appellatus, qui frequenti reflatu præaltas undas euomere solet, ita ut procul nauis

nauigiorum uela ob spumantis aquæ candorem appareant. Eæ belluæ superiore biennio quibusdam Cæsarianis è Britānia in Hispaniam traicientibus magnum terrorem incussere, quum Gallorū nauigia ea uelorum spetie è longinquo repræsentassent, qui tum ardēte bello, ea maria infestis classibus obsidebant. Sed iam oceano suas beluas relinquamus, quum fercula mensarum potius, quàm naturæ maris tam multa miracula simus narraturi.

DE BOVE BELVA ET CANICULA CAPVT III

Sed antequam ad eos pisces, qui cōuuijs inferuntur, proposito ordine ueniamus, Bos ille ingentis, latiꝫ corporis natantium hominum deuorator, minime erit prætereūsus. Is admirabili calliditate in mari nostro grassatur, portusꝫ & exculta ædificijs litora sæpius frequētat, inde occultus & quasi torpens simulata segnitia natātes adoritur. Bendinellus Saulus Cardinalis sæpius referre solebat, se admodum adolescentē cum alijs eius ætatis sodalibus natandi studio, non longe à portu in mare altius prouectum, in huiusmodi

modi belluā incidisse, quæ sedato ac maxime tranquillo in mari quieta & immobilis distincte, atque perspicue uisebatur, cuius aspectu adeo expauerit, ut timore præpediēte ab solita natandi peritiā penè destitutus, ægre se receperit. Aethiopem uero q̄ peregregius erat urinator, quiq̄ ipsis adolescētibus corpora eorum ac animos maris periculis paulatim insuefaciendo, natandi artē tradebat, subsidenti in insidijs belluę obuiū celeri natatu prodijisse, siue ut pauētium mentes, eius monstri incursu cōsternatas, despecto periculo confirmaret, uel ut ipse ad referendum miraculum, belluæ effigiē propius intueretur. Sed belluam prædæ intentam illum temere adnatantē immani exceptū hiatu cōfestim deuorasse, neq̄ alia infelicitè pereuntis Aethiopsis ædita signa, præter spumam cruentā, agitato in mari ebullientē, ita ut prius multiplici & peracuta dentiu serie cōfixus, quàm deuoratus esse crederetur. Oppianus homicidam bouem elegantissime descripsit, cuius sentētia à Lippo pulcherrimis uersibus Latine tralata est, quum cæteri autores de hoc nullam

ferè mētīonem fecissent. Est & infesta na-
tātibus ipsa Canicula, quæ mortiferis po-
tius dentibus mordicus homines dilace-
rat, quàm deuoret, quum capite tantū sæ-
ua castigatum habeat uentrem & in præ-
longam ac tenuem exeat caudam: cuius
astus, naturamq; multo simul metu, mul-
taq; audacia memorabilē, si referre cona-
rer, insulsissime facerē, quū Plinius incom-
parabili elegātia breuitateq;, ut miri eius
ingenij mos fuit, suo loco eā expresserit.

DE STVRIONE CAPVT IIII

EX omnibus piscibus, q̄ lautioribus
apponuntur mensis, nullus est toto
marī, uel amnibus ipso Sturione proce-
rior atque sapidior. Siquidem ubique ter-
rarum & maximum pretium & summam
dignitatē hac ætate semper obtinuit. Ma-
ria hunc gignunt, sed eum flumina maxi-
me nobilitant, pinguescit enim dulcium
aquarum haustu, subagrestemq; illum sa-
porem exuit, qui præalto in mari concipi-
tur. Magnos amnes perquàm libenter su-
bit, propterea in Nilo, Tanai, & Danu-
bio, Padoq; fluminibus maxime reperi-
tur. Caput eius rostratū est, & ad effigiem
quadratæ

quadratae pyramidis protensum. Os illi est sine maxillis, sine dentibus, diuersum penitus ab reliquorum piscium forma, idque sub mento in ipsa prope iuguli parte ad similitudinem fistulae harundinae rotundum, semperque patens, & cartilagineum & summe candidum, cuius hiatu in proce-rioribus hasta brachij crassitudine haud facile impleret. Caeterum totum caput dura potius, & callosa cartilagine, quam certis ossibus constat, quod ex lento quodam, & praepingui mucore concretum esse uidetur. Naribus autem omnino quae illi pertenuis sunt supra rostrum, refrigerantur, cum branchijs omnino latis careant, & si quam hauriendo recipit aquam, illam eodem pronos ore statim regerit. Toto autem dorso crassiores quaedam squamae ossea duritiae certo numero, ordineque distinctae, intercurrente spinae acie ad elegantiam eminent, uti in magnificentioribus ualuis hodie uidemus, quas ferrei atque inaurati clauis certa serie confixi decentissime figurant. caeterae corporis partes cuticulari & scabro admodum operimento potius quam perpetuis squamis inter-

guntur, idēq; ad subuiridis atricq; coloris speciem. Quo nomine autem ab antiquis Sturio fuerit appellatus, haud facile diuinauerim, quando grauissimi nostræ tempestatis scriptores uarijs sententijs inter se dissentiat, quæ quidem magno etiam intervallo à ueritate discrepant. Et has quidem sententias uanis innixas coniecturis aliquāto facilius erit confutare, quàm uerum, certumq; nomē celebratissimi piscis in medium afferre. Satis tamen fuerit, curiosos de alienis erroribus admonuisse, ut aliud ipsi accommodatius ac melius inuestigent, si nos fortasse minus propriū nomen inuenisse uidebimur. Raphael Volaterranus, qui laboriosissimum cunctis de rebus uolumē cōdidit, arbitratus est eum hodie Sturionem esse, qui apud Græcos Labrax, apud Latinos uero Lupus fuerit, cuius opinionē pleriq; Romanæ Academiæ proceres & ante alios Thomas Phædrus & Portius Camillus omnibus conuiuijs probauerunt, his maxime adducti argumentis, quod Lupus Tyberinus longe omniū pisciū apud Romanos esset laudatissimus, & is maxime qui cloacas urbis intraret

intraret, atque inter duos pontes caperetur, qua una modo conditione Sturiones omnium iudicio summam saporis commendationem accipiunt, sicuti eos Horatius & Iuuenalis, itemque M. Varro & Plinius & Macrobius celebrarint: referre etiam ad profici nominis coniecturam, Sturiones hodie a nostris piscatoribus Lupos appellari, solereque eos capto eo pisce, quum retia trahunt, clariore uoce præ læticia, lupi nomen ingeminare. Quæ coniecturæ multis rationibus mihi admodum friuolæ uidentur, quum id genus argumenti apud Dialecticos fallacissimum sit, lupi Tyberini sunt delicatissimi, sed Sturiones Tyberini sunt delicatissimi, igitur Sturiones sunt lupi. In hoc enim non comparatur totum luporum genus, cum alijs piscibus, sed eorum, qui in Tyberi capiuntur, ab his qui in alto degant mari, differentia exprimitur. Ridiculum enim esset etiam apud mediocriter intelligentes parasitos, Lacciam, Spigolam, atque Lampetrâ in Tyberi pariter captos, qui mox Latine nominabuntur, uno prelato Sturione in secundis dignitatis gradibus collocare, quum Sturio non semper sit gratissimus

mus, utpote qui in medijs tantum solstitij
feruoribus laudetur. Poggius doctioris Po
gij filius in senectute non modo eruditus,
sed usq; ad iracundiam in cōditura fercu
lorum morosus, & uehemens parasitus,
quū Sturionē apud antiquos Lupū fuis
se & ipse crederet, in pontificijs quas ma
xime sectabatur, cœnis, dicere solebat, ue
teres insulsum habuisse palatū, quod tan
topere Lupū celebraissent: eum enim car
nes habere cum præduras, tum multa glu
tinosioris succi exuberantia insuaueis, quę
prius appetētes satient & expleant, quā
delectent. Propterea nō domini, sed fami
liæ potius mensis apponēdum esse cense
bat, uno tantum excepto capite, cuius eli
xi & leucophago conditi, latebras & re
cessus omnes ipse furcula simul ac digitis
auidissime scrutabatur. Sed ne in refellen
dis eorum argumentis nimium immore
mur, dicamus Lupum alium esse piscem
à Sturione, Spigolā uulgari nomine nun
cupatum, quo probato, Sturionem illis si
ne nomine relinquemus. Spigola hodie
apud Romanos est, qui in Venetia Va
rollus, Lupacius in Liguria, in Hetruria
Araneus

Araneus, & Lupus in Hispania uocantur. Romanus inter Tyberinos captus potes. omnium consensu palmam obtinet: constat enim piscatorum testimonio, qui pluris illum, quam in alto captum mari, lautorum obsonatoribus uendunt. Is admodum uorax subire cloacas solet & mediae cryptas intrare Suburræ, ut ait Iuuenalis, circa sterquilinia, & eiectiones sordes moratur, obuia quæque deuorat, nec piscibus ullis, uel corruptissimis escis parcit: paucis ante mensibus quum in foro piscario ingens Spigola exenteraretur, oblongus serpens in uentre repertus est. Quibus de causis in Tyberi mirum in modum pinguescit & adolescit. nec abnuerim etiam Sturiones subire amnem & pinguioribus aquis gaudere, eosque tanto sapidiores esse, quanto magis à maris litoribus recesserint. Sed hac ratione Lupus & Sturio idem esse minime probatur, quum utraque differentia ambobus æque conueniat. subire enim amnem Tyberinum, & ea pastione gaudere atque pinguescere, proprium potius Spigolæ, quam Sturionis esse uidetur. quoniã non cõparamus Sturionem in alto captum, cum eo quem in

Urbe expiscamur, quum nunq̄ ferè Sturrio uel certe rarissime in præalto mari capiatur, ut piscatorum testimonijs clare deprehendimus, at contra Spigola & ex alto mari & ex amne Tyberi quotidie hamis uel retibus extrahatur. Ita ut Horatiũ id innuisse clare admodum existimemus, quum dicit,

*Vnde datum sentis, Lupus hic Tyberinus an alto
Captus hiet, pontes ne inter iactatus, an amnis
Hostia sub Tusci, laudas insane trilibrem
Mulum, in singula quẽ minuas pulmenta necesse est.
Ducit te species uideo, quid pertinet ergo
Proceros odisse Lupos? quia scilicet illis
Maiorem natura modum dedit, his breue pondus.
Ieiunus stomachus raro uulgaria temnit.*

Patet igitur Lupos capi & in alto, & inter pontes, quod euidentissime in Spigolis hodie contingit. Facit etiam ad coniecturam non contemnendam, illud captus hiet. quis enim unquam Sturionem uidit hiantem, quum os sub rostro habeat, & immobile & angustum, quodq̄ nullo uel uertebrae, uel ductilis mādibulæ beneficio dilatari potest, in Spigola autem sit repandum & latum, uti semper in ipsis uidemus

demus: soleantq; ad elegātiā obsonato-
res malo Arancio laxatas illas hiātis oris
maxillas adimplere. Neq; illud obstiterit,
quod dicere solebat Amiterninus perti-
nax grammaticus, qui perpetuas cum syl-
labis lites exercuit: Horatium scilicet di-
xisse proceros odisse Lupos, ut significa-
ret paruos maioribus esse præstantiores,
quod adamussim Sturionibus ipsis con-
gruere uideatur, quando Lurcones & di-
ligēssimi quiq; Ganeonum paruos Stur-
riones, quos Porcelletas appellent, repu-
diatis maioribus confectentur. Plurimum
enim à poetæ sensibus bonus ille grāmati-
cus aberrabat. Nam Horatius proceros
Lupos cum seipsis minoribus nō compa-
rauit, sed cum mulis trilibribus: sicuti pau-
lo post apertissime declarat, dicens maio-
rem à natura modum Lupis esse datum,
qui Mulis parum crescentibus sit denega-
tus. uerum is tum egregie & magno qui-
dem cum ioco, quum superbe contende-
ret, à nobis coarguebatur. interrogātibus
enim quem nam antiquitus piscem fuisse
Spigolam putaret, quā adeo libenter ipse
edere soleret, si Lupus Sturio esse dicere-

tur, respōdebat illam esse Squillam, riden-
 do quidem errore, ut in proprio capite de
 Squilla quum de Iuuenalis uersibus age-
 tur, diffuse narrabimus. Sed id me pluri-
 mum mouet, quod Spígola hodie in Hi-
 spania Lupus appelletur, quæ una terra-
 rum Latinam linguã magna ex parte in-
 corruptã conseruauit, ipsiq; Ligures pro-
 ximam Latino eius piscis nomẽ pronun-
 cient. Cæterum ad tollendam huius quæ-
 stionis ambiguitatem, Aristotelis senten-
 tiã adducemus: ait enim Lupũ esse squa-
 migerũ & quaternis pinnis innatare. quæ
 differentiæ ipsum Sturionem excludere
 uidentur, quum non squamis, sed cute po-
 tius aspera contegatur, nec quaternis pin-
 nis ad natandi usum instruat. Præterea
 Galenus in tertio de Alimentis, Lupum
 ait subtiliorem generare sanguinem, &
 propterea cum perdicis carnibus quadã
 similitudine conuenire, quod nemo sa-
 nus Medicus Sturioni attribuere aude-
 bit, quum crassum potius humorẽ adge-
 neret, & ualde lentum, quod uiscosum di-
 cunt, ipsisq; aptius adultæ uitulæ carni-
 bus, quàm perdicũ leuissimis pulpis æqui-
 peretur

peretur. Cornelius quoq; Celsus ad corroborandam Galeni auctoritatem, Lupū & Mulū inter pisces leuioris esse alimenti apertissime dicit, quod & nostra quoq; experientia cotidie comprobatur. Porro ipse diuus Ambrosius in Hexahemero, teneritudinem in Lupo mirifice laudat, sicuti Plinius in eodē molliciem extollit, quū nec Sturionis præteneræ sint carnes, & Luporum longe tenerrimæ consensu omnium habeantur. Putauere etiam Plinium quum Lupos à candore lanarū lanatos dictos asserat, de Sturione intelligere uoluisse, quod Sturionum carnes plurimum albicare uideantur, quasi lupi uel argētearū squamarū cādore uel summo illo lactearū carniū albore, cæteros omneis pisces nō superēt. Illud quoq; Martialis, *Laneus euganei Lupus excipit ora Timauī,*

Eorum opinionem aperte redarguit, quoniam Timauus flumen in finibus Aquileiensium, cuius ostia celebrata à Virgilio, hodie magna ex parte extenuata, oblimateq; sunt, Sturiones nō habet, q̄ tamen Varollis & Troctis abūdat. Quod si dicatur Martialē pro Timauo Medoacū, qui hodie

hodie Patauinorū Brenta est, accipere uo-
 luisse, eadem ratione respōdemus, quum
 Brēta manifeste, aut nullos, aut certe pau-
 cissimos, & quidē minutulos Sturiones
 ferat: ita ut Martialis celebraturus Sturio-
 nem, insulse admodum ad Timauum re-
 currisse uideatur, quum in propinquo Pa-
 dum haberet, & sua magnitudine insignē
 & multa Sturionum copia longe clarissi-
 mum. Ad certiores quoq; opinionis no-
 stræ fidem pertinere uidetur, id quod à pi-
 scatoribus non sine miraculo de Spigolis
 hodie recitatur: quos ut hamo hæserint,
 statim discurrere magno nixu, dilatareq;
 uulnera referunt, ut hamorum insidiæ ex-
 carnificato sponte gutture excidant, atq;
 eo modo in libertatē se uēdicare, id quod
 distincte Plinius ipse Aristotelē secutus
 commemorat. Ex aduerso autem constat,
 Sturiones solis retibus capi, nunquam ue-
 ro hamis, præsertim si cubito maiores fue-
 rint: eosq; piscatores referunt, magno im-
 petu plagarum sæpe maculas dilatare &
 abrumpere consueuisse, proptereaq; acci-
 dere, ut hamis non capiantur, quoniā Stu-
 riones lambendo, sugēdoq; potius quàm
 uorando

uorando, inepto ad escam corripendam ore ipso sine controuersia alantur. Cæterum id me plurimū admonet, ut Lupum Sturionem esse non posse certissime credam, quoniam & Lupi omnium fermè scriptorum testimonio, & Spigolæ hodie, hamorum lineas dentibus ferratis abrodere soleant, quod Sturiones ipsos, quum dentibus manifeste careant, efficere posse nemo sanus affirmauerit. Extat quoq; apud Columellam dictum illud Philippi admodum luxuriosum, qui apud hospitem Cassino in oppido Lupum sibi in cœna appositum gustabundus expuit, addēs peream inquit, nisi piscem putauit, quasi uellet inuere solos Tyberinos Lupos piscis nomine dignos esse, cæteros autem Lupos inter quisquilias potius, quàm inter pisces esse reponendos, ex quo ego planè cōiicio illum Lupum Sturionem esse minime potuisse, quādo eius tractus amnes, qui sunt in Cassinate agro, & in Arpinatium finibus, Sturiones non ferant. Quis nam autem fuerit ille Lupus M. Philippi palato ingratus, docebimus, quū de Troctis ager. Secunda opinio de nomine Sturionis

rionis Frãiscum Philelphum principem habuit, in qua etiam nunc quosdam è nostris Trãspadanis exoletæ admodum eruditionis, esse uideo. Is ut erat inter imperitos audax, utpote qui rudi illa tempestate Græcarum literarum notitia clarus atq; insignis euaserat, Sturionem Latine esse Attilum, pluribus per totam Italiã epistolis super ea re conscriptis diuulgauit, indoctos appellans non sine uerborũ contumelia, qui secus ac ipse crederet, de uic eius uocabuli sentire uoluissent; sed tantũ abest, ut uerum nomen inuenerit, ut ipse dum alios inscitie bonarum literarum arguere contendit, in alium aliquanto grauiorem errorem pueriliter sit lapsus. Scribit enim Sturionem nullo modo Lupum esse, quoniam Lupus sine controuersia, is hodie sit piscis, qui ab omnibus Lucius appellatur, quoniam Lycos Græce, Lupus sit, qui postmodũ immutata litera in Lucium, deprauãtib; Latinis abierit, exprimitq; Philelphus effigiem illius Lucij oblongi piscis, extenti capitis & oris maxime denticulati, qui furuas per trãuersum fascias habet, dorsum item atrum & uentrem

trem admodum candidū, quiq̄ omnibus ac lacubus totius Italiæ maxime sit familiaris, quasi præproperus senex non animaduernerit Lupum quadrupedem lycū, piscem uero Labraca, à suis Græcis appellari. Sed per deos immortales, quæ nam infania fuerit, Lupos tantopere ab omnibus authoribus commēdatos, dicere eisdem esse, qui uulgo Lucij uocitentur, quū Lucij plebeia potius inter obsonia censeantur, quàm Romæ nobilium usurpētur mensis. ita ut nūquam, nisi in summa marinarū penuria, sicut aliquando accidit piscatione tēpestatibus sublata, in mensam ueniant, & id tum etiam ad honestandam potius patinā, ut dicūt, quàm ad cōuiuas eo edulio conciliandos. Dicebat Poggius Lucio, etiā ex Cimino lacu & ei quidem præpingui, nullam unq̄ inesse gratiā, nisi quū solus in maxima conuiuiarum inedia prandijs apponeret̄. miror quoq̄ tantæ lectionis hominē apud Ausoniū ea carmina minime lectitasse, quibus Lucius ignobilis piscis alius à Lupo apud Belgas & Britannos frequens nominatur, ut proprio capite de Lucio mox dicemus. Neq̄
mirum

mirū esse debet, si Lucius apud antiquos parum celebratus esse uideatur, quū paucos præter unum Ausonium, authores curiosus etiam lector sit inuenturus, qui de lacuum & fluuiorū piscibus fecerint mentionem, quando lupum inter marinos pisces, qui tamen flumina subeant, ab omnibus adnumerari, Lucium uero nunquam intrare maria, uno totius Europe cōsensu manifestissime cōstet. Cæterū Philephus Sturionem antiquitus fuisse Attilum assererat, unius Plinij authoritati innixus, qui in nono naturalis historiæ quum de Thynnorum magnitudine loqueretur, dicit: sunt & in quibusdam annibus haud minores, Syllurus in Nilo, Esos in Rheno, Attilus in Pado inertia pinguescēs ad mille aliquando libras, cathenato captus hamo, nec nisi boū iugis extractus. Quibus adductus uerbis Attilū nō posse esse aliū à Sturione putauit, quū Sturiones illos prægrandes, q̄ in Pado caperentur, piscium eius annis longe maximos arbitretur, quod manifeste falsissimū est. Nam Attilus is est, qui à Ferrariēsis Adelus seruato antiquiore uocabulo nūcupatur,

piscis

piscis inquam ipso Sturione amplior, & effigie, sapore, pretio, & tota ferè natura ab eo dissimilis, atq; adeo diuersus, ut in prouerbum, Ferrariæ uenerit, quū duas inter se res maxime distantes significare uolunt, eas sic differre, ut Sturionē ab Artilo, dicant. uti nuper nobis etiam confirmauit Ferrariensium legatio, ab Alfonso Atestino ad Clementem Pontificem missa, cuius erāt principes Casellius celeberrime iureconsultus, & Antonius Costabilis grandæuus senex usu rerū, & uitæ splendore insignis. Tertia opinio Sturionem apud Plinium Torsionem fuisse affirmat, cuius præcipuū authorem Theodorum Gazam extitisse complures arbitrantur. eam paucis ante annis acerrime defendebat Longolius Gallus singularis doctrine iuuenis, & qui proculdubio summum Latinæ eloquētiæ fastigium fuisset adeptus, nisi mors immatura eū in medio optimorum studiorum cursu sustulisset. Adducebatur ea maxime ratione, quod Plinī uidebat Sturionis formam atq; naturam in capite de Torsionibus expressisse, quum dicit, Delphinorum similitudinem habēt,

qui uocantur Torsiones, distant & tristitia quidem aspectus, abest enim illa lasciuia, maxime tamen rostris canicularum maleficientia assimilari, horum enim uerborum testimonio, Sturiones iidem qui Torsiones esse uidebantur, atque ea praesertim coniectura, quod quum minorem quam in Delphinis uideamus, cum aspectu ipso, tum natatu lasciuiam praeseferant, etiam fistulam habeant, uti in Delphinis conspicitur, quanquam diuerso modo a natura sit indita, nam Delphini per suam expirant & refrigerantur fistulam, ea autem pro ore Sturiones utuntur, quum uti supra diximus, & per nares & paruas branchias aerem pro uitalibus refrigerandis attrahant; nouitiumque hoc Sturionis nomen antiquo Torsionis uocabulo plurimum alludere, ipse Longolius arbitraretur. Quibus adductis argumentis Theodorus Gaza, ut erat in transferendis Graecorum sensibus, Plinianorum uerborum obseruator atque imitator diligentissimus, apud Aristotelem in octauo de historia animalium Phocenam, Torsionem uertit, ueluti ab ipso Plinio uocabulum mutatus

tus. Cæterum si bona cum uenia bonis mortuis licet refragari, nos docebimus Theodorum Torsionē pro Sturione nequaquam accepisse, uel si acceperit, plurimum errauisse, Plinium quoq; per Torsionem ipsum quem nunc quærimus Sturionē significare minime uoluisse. Siquidem Gaza quū Aristotelem Latine interpretaretur dicētem in octauo de historijs animalium, In ponto fera nulla est, præter Delphinum & Phocenam. pro Phocena Tursionem dixit, quem Phocenam sciebat ab Aristotele inter uiuiparos pisces cōnumeratum, quū Aristoteles alios piscium esse ouiparos, alios autem uiuiparos, id est, qui catulos parerēt, dixisset. Nemo autem adeo imperitus est, ut nesciat Sturiones esse ouiparos, quod ex cotidiano esu deprehēditur, & ex falsamentis Cauarijs, quæ ex ouis Sturionum sine controuersia conficiuntur. Neque enim credendum est, tantæ eruditionis ac diligentia hominem, uti fuit Theodorus, adeo pueriliter fuisse hallucinatum, præsertim quū hūc ipsum locum aliter à Plinio fuisse cōuersum animaduerteteret, qui pro

Phocena nō Torsionem, sed uitulum ma-
 rinum substituerit, ut diligenter Hermo-
 laus in castigationibus annotauit, Præte-
 rea apud Aristotelē Phocena Sturio esse
 non potest, quum in sexto de natura ani-
 maliū ubi eius effigiem exprimit, clarissi-
 me dicat Phocenas omnino carere bran-
 chijs, sed brāchiarum loco fistulā habere,
 quod Sturionibus minime accidit, quo-
 niam præter fistulā oris, uti diximus, bran-
 chias manifeste habent, quāquam paruas
 & angustas, si illas tantæ molis pisci com-
 paremus, ita ut Sturio nullo modo Pho-
 cena esse possit. Subiungit quoq; Aristo-
 teles Phocenā nasci in pōto, quod de Stu-
 rione minime dixisset, quando Sturiones
 omnibus ferè in maribus facile reperian-
 tur, magnamq; eorū copiam insignes flu-
 uij alant, siue in mare nostrū, siue in ipsum
 oceanum euoluātur. Quod uero Plinius
 Torsionem, Sturionem esse putauerit, mi-
 nime crediderim uel hoc uno argumēto,
 quod Sturionis & magnitudine & fre-
 quentia, & ipso deniq; pretio admodū ce-
 lebrati piscis, ab ipso Plinio nullam præ-
 terquam hoc uno in loco, mentionem fa-
 ciam

etiam esse uideamus, quū uel minimos & in edulijs etiam prædamnatos pisces, non modo in nono peculiari aquatiliū libro, sed in alijs obiter locis sæpius nominet, at que depingat. Vnde putandum est Plinij Torsiones, sicuti Aristoteles assererat, in ponto Euxino potissimum uersari, nec temere per alia maria, extra Hellesponti, Thracijue Bosphori angustias euagari. Porro Plinius, si uerba Aristotelis cōsideremus, pro Phocena Torsionē intellexisse uidetur, qui Torsio eodē teste maleficus est, quoniam canicularum rostris assimilatur, & ipsa quoq; Phocena ab Aristotele ueluti maxime malefica feræ nomine nuncupatur. Sed Sturio quomodo maleficus esse possit, non uideo, quum dentibus omnino careat, sic fortasse à natura formatus quoniam piscibus nō alatur. Rīdiculum enim esset dicere Sturionē in pisces grassari per ipsam tantum lasciuiam. Nam magni pisces alios persecuntur, ut interēptis ueluti proprio pabulo uescantur. Sed ut hāc inueteratam de Torsione opinionē penitus cōuellamus, paulopost alium à Torsione & quidē sæpius ab ipso

Plinio celebratū piscem Sturionem esse monstrabimus. Quarta opinio Hermolai Barbari fuit uiri nobilissimorū studio/ rum gloria insignis, qui rogatus senten/ tiam in tanta eruditorum dissensione, per epistolam Paulo Cortesio respondit, Stu/ rionem antiquitus Hyccam fuisse, ex te/ stimonio Athenæi hac coniectura addu/ ctus, quod Hycca porcum significet, Stu/ rionem autem porcelletam, quum præfer tim sit paruus, appellari à nostris magna eius nominis cōformitate. Nihil enim me lius hæcenus inuenerat Hermolaus, utpo te qui ingeniosus & prudens ineptas iam de Lupo, Attilo ac Torsione opiniones repudiaret. Potuit eum mouere Ambro/ sius, qui in Dominica passione dicit, Gut to siue Gulo Porcellū amat, ut comedat, quasi per Porcellū Ambrosius Hyccam expresserit: & in Hexahemero ait Iudæos marinis porcis uesci, quibus terrestribus non uescantur. Sed hæc coniectura frigi/ da admodū uidetur, quum alius sit in ma/ ri Porcus piscis diuersus à Sturione, ho/ dieq; plures obesi pisces & q; præpingue abdomen habent Porci à piscatoribus ap/ pellentur

pellentur, sicuti Thynnum à Strabone & à Polybio porcū appellatū esse uidemus. Cæterum ipse Hermolaus in Corollario quod Dioscoridis interpretationibus ap- pēdit, Iulidas ait uocatos esse porcos, qui tamen longe diuersissimi sint à Sturioni- bus, Syagrim quoq; piscem appellari po- tuisse à nomine suis. Athenæus quoque, qui Hyccam autoritate Callimachi sa- crum ueluti ob saporis excellentiā appel- lari dicit, mentionem de alio pisce intulit, quem hyn, idest suem uel aprum nuncu- parint. Alij etiam Græcorum Porcū ma- rinū Psammata uel Psammitin cogno- minatum putāt, ut clare appareat Hermo- laum, Hyccam Sturionem esse, pro con- stanti in ea epistola affirmare minime de- buisse. præsertim quū in castigationibus Plinianis & in ipso corollario, de nomine Sturionis plurimum ambigere uideatur. Quem modo Tomū Thurianū posse esse dicat à Thurij oppido Italię in Brutiorū ora, ut ipse opinat̄ dictū, alludēte uocabu- li similitudine, præsertim quū Athenæus asserat Tomum Thurianū in Italia delica- tissimum obsoniū: modo eum putet esse

Galeotem uel Xiphiam Strabonis auctoritate, modo eum dictum fuisse affirmet Scyllam & Lamiam & Carchariã: ad extremum uero tot nominũ diuersitate perplexus fateatur, uel Sturionẽ antiquitus his appellationibus uocitatũ esse, uel sic dictum à Thuriano Tomo delicatissimo obsonio, quod tãtopere à Græcis celebretur. Sed illud me præsertim mouet, quod nemo authorũ quos legerim, præter unũ Athenæum de Hycca pariter & Tomo Thuriano fecerit mentionẽ, quando Sturio celebratissimus piscis, ut sæpius dixi, certo claroq; nomine fuerit appellandus. Verum hæc nostra inuenta, quæ ludendo excogitauimus, in bonam partem à lectoribus accipi uelim, atque eo animi candore quo scripsimus à doctioribus ppendi. nõ enim is sum, qui obrectatione alienæ laudis eruditior uideri uelim, quã ulla in parte cum his, quos supra redargui, uel ingenio uel eruditione minime sim confendus. Igitur in tãta eruditorum altercatione licebit & mihi propriã attulisse opinionem, ita tamen ut cũ præfatione prius attester, me tandiu in ea sententiã perman-

surum

surum, donec aliud, quod magis arriserit, diligentiores inuenerint. Dicamus igitur Sturionem ab antiquis Silurum fuisse appellatū, quē pro Glani Theodorus apud Aristotelē interpretatur: sed de hoc, quū plures apud me certiores sint cōiecturæ, hoc uno tamen maxime argumēto adducor, ut Sturionem opiner esse Silurū, quoniam mirū hercle uideatur, quod hac ætate, quis nam pisciū antiquitus Silurus fuerit, penitus ignoremus, qui adeo in mari ac fluuijs testimonio Aristotelis, Plinij, Athenæi, & Ausonij sit celebratus: ex aduerso autem de Sturionis antiquo nomine plurimum dubitemus, qui sit omnium ferè totius orbis fluuiorum incola longe notissimus. Neq; enim credendum est ueteres adeo insulsi fuisse gustus, ut arbitremur eos Sturionem minime cognouisse, aut Silurum ipsum ueluti aliquo naturæ defectu, tota eius generis extincta sobole penitus euanuisse. Silurus auctore Plinio atque Ausonio, fluuiatilis pariter ac marinus est, & quidem prægrandis, sed præcipua magnitudine in Nilo & Gange ueluti amnium maximis, cæterum carne præ

dulci, nullis ossibus uel spinis intersitis, rostro item, caudaq; Delphino simillimus, ita ut cōpellare eos libeat, qui propterea Torsionem Sturionē esse uolebant, quod effigie ac rostro Delphinis assimilaretur. Id uero me etiam plurimum mouet, quod in Nilo, Borysthene, atque Danubio, uti Plinius de Siluris ait, etiā nunc frequētissimos Sturiones esse cognoscamus. Nam in omnibus Nili ostijs & superius prope Memphim Aegyptij Sturionē expiscantur. In Borysthene uero, qui hodie Neper est amnis, Phasiq; & in ipso Tanai apud Tanam emporiū tanta eorū est copia, ut ceterarū ibi institutæ sint officinæ, in quibus ea falsamēta ex Sturionū ouis salitis, quæ cauiaria dicimus, itemq; ipsa Schinalia ex summo Sturionis spinali dorso, sale, fumoq; inueterata conficiantur. In Danubio autē adeo frequētes sunt, & magni, ut ex eo minores etiā amnes subeant, qui in ipsum influunt, sicuti Drauā, Sauū, & Tybiscum, & ut mirū nō sit eos etiā Menim amnem subire, sicuti Plinius ait, propter Lisboum, in quo Siluri, ut in Danubio, innatantes equos deprimāt. Menim autē cum
Hermo,

Hermolao eum amnē esse putauerim, q̄ alio nomine dicitur Oenus. is Sueuorum gentē è Vindelicia ab Austris qui Norici sunt, diuidit, Danubio q̄ miscet, ita ut ab Istro Istrionem piscē hunc esse dictum putem, quo in amne sit insignis, ut hodie uidemus & Athenęo placet, q̄ Silurū Istriānum siue Danubianū honoris atq; excellentię causa ubiq; nominauit. Sed audiam⁹ Aufoniū de Siluro in Mosella canentē, q̄ ignobiles etiā Tincas minime præterijt.

*Nunc pecus æquoreum celebrabere magne Silure
 Quem uelut aethæo perductum tergora oliuo
 Amnicolam Delphina reor, sic per freta magnum
 Laberis, & longi uix corporis agmina soluis
 Aut breuibus defensa uadis, aut fluminis uluis,
 Aut quum tranquillos moliris in amne meatus
 Te uirides ripæ, te cærule turba natantum
 Te liquide mirantur aquæ, diffunditur alueo
 Aestus, & extremi procurrununt margine fluctus.
 Talis atlantiaco quondam balena profundo.*

Quid enim certius notari, exprimi ue potuit his uersibus quàm pro Sturione Silurus? qui & magnus & fluuiialis pariter ac marinus, & Delphino similis ac ipso terгоре uerum olei colorem referre uideatur

tur. conueniunt profecto hæc omnia Sturioni & quidem adamuſſim, ita ut neceſſe ſit, eos qui id negauerint, & afferre aliquem magnum piſcem ex his fluminibus pro Siluro, qui ſit à Sturione diuerſus, & alium oſtendere apud Auſoniũ per quem poeta Sturionem uoluerit demonſtrare. Nõ enim credibile eſt, eum qui minimos quoſq; fluuiatiles propria nomenclatura perſecutus eſt, ipſum Sturionem proculdubio uel ſua magnitudine, uel dignitate amnicolarũ regẽ adeo ſomniculoſe prætereſſe. Illud quoq; opinioni noſtræ aliqua ex parte ſuffragatur, quod in Canariæ inſulæ amnibus (ea ad Atlanticum uergit oceanum) multi ac optimi Sturiones piſcatione capiãtur, uti Hiſpani, Luſitaniq; referunt. qui dum nouas incogniti orbis terras inuſitata ac admirabili nauigatione per immenſum oceanum quærunt, Fortunatis inſulis aquationis gratia quotidie applicãt. Cuius Canariæ amnes ipſe Plinius Siluris abundare cõmemorat, neque mirum eſt, quum is piſcis omniũ magnorũ amniũ ſit familiaris, uti in Thameſi Britannia, alijsq; amnibus, qui in oceanum

num erumpunt, manifeste conspiciamus. Hispania autem omnis Sturionē, Sulium appellat, ita ut parum ea uox à Siluro qui item & Sulius dicitur, abesse uideatur: quando ut ante dictum est, una terrarum Hispania ueterem Romanę linguę sonū, atq; ipsa uocabula non sine rubore dediscētis Italię retinuerit. Quomodo autem Siluri in Sturiones abierint, nuper docuit & quidem ut arbitror, felicissime inuenit Michael Syluius apud Clementem Pontificē Lusitanię regis legatus, qui uti est optimarum literarum atq; omnis antiquitatis sciētissimus, testat̃ Sulios longe optimos, omnium confessione in Asturia reperiri, unde Asturiones dicti sint, uelut ab regione nobilissimos producente nouum cognomētum, uetere repudiato nomine retulisse uideantur. Diuus quoque Ambrosius opinioni huic nostrę astipulatur, quū dicit, Silurus de aliorū piscium uermibus uiuit. Sturiones namq; uti diximus, grandiusculos pisces deuorare nequeūt, quum ore sub rostro à natura constituto, non facile nisi minutissimos corripiant, & propterea solis suctionibus nutriantur,

triantur, ut etiam Albertus Magnus asserit, apparétque hodie in his euisceratis, in quorum uentriculo qui perangustus est, nunquã deuorati pisces reperiantur. Subdit tamen Ambrosius, inutilis sæpe præda piscantium, ut uideatur in edulijs Silurum minime commendare: sed ego, in sylabam temere à librarijs additam putaue- rim, siquidem Silurus apud Athenæum dicitur sapidissimus, quum enim Latum piscem Siculo in mari frequentem uellet laudare à carnis cãdore suauitateq̃, eum Danubiano Siluro comparauit. neque illud Plinij parum conuenire Sturioni autumauerim, quũ dicit, Silurus carne prædulci, nullis ossibus, spinis uel intersitis, quum Sturionẽ habere ossa manifeste appareat. Existimo enim Plinium intelligere uoluisse, Silurum una tãtum perpetua, qua trañcitur, spina esse contentum, nullasq̃ subinde spinas (uti in alijs accidit) à sphondylis oriri, quibus tota caro, corporisq̃ ambitus ueluti costis læpiat, delicatãq̃ illæ pulpæ multo cũ fastidio, tum periculo comedentiũ contineantur. Caterũ uti ego arbitror, Sturiones non eo in præ-

tio fuere antiquioribus, uti nostris tēporibus uidemus : siue quod eius caro per se dura & multo mucore pinguedinis repleta celeriter sui desiderium primis mēſæ congressibus auferat, siue q̄ pergravis, ac molesta tenuioribus stomachis esse deprehēdatur. uidetur & nōnullis Iuuenalē, uilem omnino piscem Silurū annotasse, quū dixit, Vēdere municipes fracta de merce Siluros, sed uenditorē potius uilem q̄ mercem ipsam, hoc est Crispinū ab Aegypto, Iuuenalem innuisse crediderim, qui Siluros fractos, id est mēbratim cæſos, uti hodie uidemus, aliquādo in humiliore fortuna uēditarit. Quo in loco Iuuenalis Georgius Merula oculatissimus grammaticus Siluros non esse multū absimiles à Sturionibus arbitratur, utpote qui iam animaduuerterat illos qui Lupū, Attilum ue, Torſionemq̄ & Hyccam Sturionem dicerēt, à ueritate plurimum errauisse. Quantum autem pertinet ad piscis naturam, dicimus eum tarde cōcoqui & propterea ex eius excretionibus multam generari pituitam. Vitium eius carnis aliqua ex parte tolleretur, si in tabellas pollicis digiti cralli

crassitudine secaretur, torrereturq̄ in craticula & quidē ex præcepto Galeni, oleo, sale, acetoq̄, leni atq̄ iterata aspergine inditis: sed qui palato potius, quàm stomacho studere uidentur, elixum eum cū leucophago passim comedunt. Is quum toto ferè capiatur anni circuitu, æstate tamen adulta longe probatissimus æstimatur. Si luri felle cum Attico melle permisto suffusos bouum oculos ueteres inungebāt, ut Aetius affirmat, qui medicæ artis præcepta Græco sermone cōscripsit. Sed id potius ex eius humoris acredine, q̄ ab occultiore Siluri piscis proprietate prouenire putauerim, quū etiam ex felle quadripedum ac uolucrum & inter alias Perdium, agris hominum oculis nota collyria inijcere soleamus.

DE VMBRINA CAPVT V

Secūdum Siluros Sciæna è grandibus primā saporis obtinet claritatē. Eam Varro & Columella Vmbram appellāt, quam & Ennius quoque celebrauit, ut ex Apuleio deprehenditur, dum ait,
Melanurū, Turdū, Merulamq̄; Vmbramq̄; marinā

Hæc tota latioribus squamis integitur,
 denti

denticulata est, & Aristotelis, Plinijq; auctoritate in capite lapidem habere consuevit, agilis est & plurimum uorax. Propterea Ausonius ait, celer Umbra natatu. capitur cū Siluris frequēter circa ostia fluuiorum & in alto etiam, quod Siluris non contingit. ipsa quoque canicularibus diebus pinguescit, pariq; ferē pretio cū Siluris æstatis tempore uenūdatur. eam hodie Romani Umbrinā uocāt. capita Umbrarum, sicuti & Silurorū Triumuiris rei Romanæ Conseruatoribus dono dantur, qui piscatores inueterata quadam consuetudine eorum capitum tributū nomine uectigales fecerunt. Capitū enim summa inest gratia, auctoritate etiam Arcestrati, qui in parandis obsonijs, quod eorū ingeniosissimus esset artifex, Dædalus à Græcis appellabatur. Is Umbrini capitū nobilem quandam condituram, ut apud Athenæum uidere est, multis carminibus expressit. propterea hodie etiam quū pretio parari non possint, gulosi ea capita quam auidissime consecantur. Extat adhuc in ore quorundam facetorum ridenda fabula de T. Tamisio, qui Romanis, aulicisq;

salibus erat insignis, sed gulæ adeo prosti-
 tutæ, ut infamis haberetur. Is quū per ser-
 uum, qui in foro piscario in eam curā in-
 tentus excubare solebat, ingentis Vmbri-
 næ caput Triumuiris delatū esse cogno-
 uisset, in Capitolium protinus ascēdit, ut
 simulato apud magistratum negotio, ser-
 moneq; de industria protracto, prandium
 captaret. Verū illud Triumuirū iam Ria-
 rio Cardinali donandum decreuerant, ita
 Tamisius quum limine curiæ efferrī in-
 genti, coronataq; patina caput illud nobi-
 le conspexisset, primo deceptus consilio,
 illud subsecutus est præmissō seruo, qui
 uestigijs deferētium ministrorum insiste-
 ret. Nec multo post quum Riarianis ædi-
 bus inferret, bene habet, salua res est, in-
 quit Tamisius, opipare excipiemur, erat
 enim in primis mēsa Riarianæ, quæ lon-
 ge omniū semper lautissima fuit, familia-
 ris. At Riarius, ut erat natura munificus,
 maximū inquit hoc Triumuirale caput
 maximo debet Cardinali, statimq; Fede-
 rico Sanseuerino proceritatis admirandæ
 Cardinali trāsmittitur. colligit extemplo
 togam Tamisius, Riarium intempestiuæ
 munifi-

munificētiæ incusans, in mulamq̄ resilit,
 & munus ad Sanseuerinianā domū con/
 sequitur. Idem pari liberalitate facit Fede/
 ricus, caputq̄ ipsum splendidis exorna/
 tum uerbis aurataq̄ illatū patina Chisio/
 Publicano ditissimo deferri iubet, quod
 ei multo ære alieno grauibuscq̄ usuris ob/
 strictus erat. Volitat tertia iam spe au/
 dam frustratus gulam æstuans Tamisius,
 festinabunduscq̄ incalescente iam die in/
 transtyberinos hortos quos ipse Chisius
 magnificentissimos extruebat, contendit.
 Ibiq̄ fessus admodū & multo sudore ma/
 didus quod grauis erat abdominis, quar/
 to à fortuna decipitur, quippe qui Chi/
 sium caput illud recentibus floribus redē/
 mītum adamato scorto, cui ab forma eru/
 ditiscq̄ illecebris Imperiē cognomen fuit,
 ut extemplo deferretur curantem repe/
 rit. Flectit itaque indignabundus habe/
 ñas retro, nec tamen subiratus gulæ, quæ
 herculeos labores attulerat, & ad Impe/
 riam iam multo sole Sixtini Pontis femi/
 tam exurente adequitat. Ad extremum
 anhelantis gulæ ea uis atq̄ libido fuit, ut
 qui per totā urbem fuerat raptatus, idem

& togatus & senex cum scorto admirante noui hominis aduentum, nullo pudore discubuerit, sic ut mirari desinamus Apitium, qui ut ait Athenæus, cum Linterni Astacos cācros piscaret, audissetq̄ longe maximos & nobilissimos in litore Aphrico reperiri, eo prope stimulāte gula insigni nauigio delatus sit. Statimq̄ prius q̄ in terram descenderet, occurrētibus ibi piscatoribus cum astacis, quod famæ expectationiq̄ minime respōdissent, protinus conuersis uelis, nec salutata quidē Africa, in Italiam ad grandiores astacos sit reuersus. Ceterum eadem prope Vmbrinæ ac Siluro carniū conditio. utræq̄ enim, ut diximus, nō mediocre imbecillioribus stomachis negotium facere consueuerūt.

DE THYNNO CAPVT VI

THynni multitudine sua omnibus littoribus sunt noti, gregatim uagātur, ob id in Euripis maxima eorum est captura. Irrumpunt maio mense in mare nostrū ab Atlātico Oceano cogētibus Xyphijs, hoc est Spathis piscibus, qui telo à rostris prominente instructi eos toto mari persequuntur. Simplicissimi sunt piscium, propterea

pterea uel inanibus terriculamētis acti facile uadis atque litoribus intruduntur. eo modo Gaditanus populus infinitam eorum multitudinem magno quæstu, solenniçq; spectaculo retibus extrahit. Saturantur inde captorum recentibus pulpis circumfusæ gentes, reliqua illorum multitudine cetarijs infertur, saliturçq; . asseruati uero membratim cadis celebri mercimonio per omnem ferè Europam diffunduntur. uerum solo abdomine ualent, quæ pars à Romanis Tarentellū dicitur, quod etiam Tarētino in sinu, ubi opima pisciū omniū captura est, Thynni sale asseruentur, reliquæ corporis partes, utpote quæ pingui succo admodum careant, in ignobilis populi usum ueniunt, quæ Melandrya à Plinio nuncupantur. Primus ab ipso statim ouo Thynnorū foetus Cordylla dicitur, qui mox in Limarias euadit, ex Limarijs autem adolescētibus Pelamides fiunt, sic à luto dictæ, quas nūc etiam Palamias uocamus, quū uero Pelamides pedalem excessere magnitudinē, in Thynnos abeūt. Porro ex Thynnīs (ut Athenæo placet auctoritate Softrati) quum in summum ex-

creuerint, Orcyni infesti cæteris piscibus efficiuntur. Adeo enim Thynni augentur, ut Plinij testimonio caudæ eorum latitudinis duorum cubitorum reperiatur, qui postea quindecim talentis pependerit. Sed huic opinioni aduersari uidetur Aristoteles, quæ asseueret Thynnos biennio uitam finire, idq; esse compertum uerisimili admodum ratione, quoniam certo anno cum piscatoribus Limariæ defecissent, Thynni etiam sequenti anno defecerunt, ueluti omnibus fermè captis Limarijs nullæ reliquæ superfuerint, quæ in Thynnos adulescere potuerint, ita ut credam Thynnos bienni ætate excedentes alijs nominibus appellari, ut Orcynus & Pompilus nauigiorum comes, quem de genere Thynnorum esse Plinius arbitrat. Circa ortū caniculæ Oestrum patiuntur, parua animante sub pinnis aculeum infigente, quo dolore incitati nauigia plerumq; transuolant. Idem accidit Xyphijs, quos modo nominaui. Capiuntur ij circa Zephyriū quod extremum est Italię promontorium, Spartiuentum à nautis hodie nūcupatum. Retulit Ioannes Marius
 Catanæus

Cataneus Nouariēsis multarū literarum notitia insignis, qui Locrensi in litore Xyphiorū piscationi interfuit, eos tanta esse ingenij docilitate, ut Græcanicum sermonem, quo ille magnæ Græciæ tractus utitur, ab Italico distinguere uideantur, idēq; admirandis argumentis deprehendi, quū Græcas uoces minime reformidēt, ad Italicarū uero sonū repente diffugiant, quod cōplures Brutij testati sunt. Ii in Oceano Indico, in tantam augentur magnitudinē, ut ualidissimis rostris Lusitanarū nauium latera ad sesquipalmum aliquando perforarint. Xyphij bonitate & pretio Siluris fermè sunt æquales, uerum hæc litora raro adeunt, ueluti qui perpetuis maris æstibus ut in freto accidit Siculo, gaudere uideant. propterea Xyphij forma, ut in alijs fiet piscibus, pictura non exprimeñt, quod eum uidere hætenus mihi non contigerit. Sed Thynni pariter ac Xiphij, quum Oestrum patiuntur, ueluti noxij damnantur mensis. Cæterum Thynni eximie pinguescunt, adeo ut porci iure ipso nuncupentur, cum etiam, ut Polybius tradit, in profundis litoribus, uti porci solent;

glandibus uescantur. Thynni recenti pulpa iuxta uentrem, ipsoq; pingui sumine, sicuti palato grati, ita stomachis lāguidioribus, quibus nauseam pariunt, ualde inimici. circa uero dorsum & caudam cōtra rā ratione, quemadmodum ab nimia ariditate parum delectāt, ita superfluo nudati humore minus officiūt. Falconius Etruscus plebeius ganeo, sed eruditioris gulę, quum in Hispania cetarijs præesset, nouū ac sapidissimū obsonij genus è Thynnorum uentre commentus est, circūciso abdomine umbilicos enucleādo, & sale, acetōq; & feniculo inclusos cadulis condiendo, ita ut mox id cibarij genus pleriq; appetent, ac propter iucunditatem mirarentur, quem modo ut inutilem ex officinis euertere consueuissent. Sed in uniuersum saliti Thynni, sicuti uim alleuādi intermortui gustus mirificā habent, ita multa bile aggenerata, sanguinem incendere, iecinoraq; adurere consueuerunt Recentes pulpę rectissime coquūtur in uino corsicano & oleo, pipere etiam cum cepis minutatim cæsis superaddito, quod genus condimenti Azeminum ligures uocant.

Pelamides

Pelamides autem multum nutriūt, & urina-
 nam cient, sed tarde concoquuntur autho-
 re Athenæo, qui tamen eas salitas stoma-
 chis conferre testatur. At Thynnorum ie-
 cinoribus mira proprietas inesse traditur
 ad prohibendam puerorum lanuginem,
 improbo quidem Mangonū inuento, qui
 quum mares castrare, dirum atq; crudele
 nimis ducerent, ipsa tamen uirilittatis ini-
 tia retardare, ueluti proposita pleniore li-
 bidine contendebant.

DE LECHIA CAPVT VII

Est & alius generosus piscis magnitu-
 dine atq; colore mediū inter Thyn-
 num & Vmbram, quem Romani pariter
 & Ligures Lechiā appellāt. Eam aliqui
 Centrinam antiquitus fuisse arbitrantur,
 quoniam pugnacissima sit & atris solidio-
 ribusq; aculeis, quanquam non omnino
 lōgis circa dorsum armata, ut Oppianus
 de Centrina expresserit. At Lechia corio
 integit minime squameo, sicuti in Thyn-
 nis uidemus, sed leui & splendido, quod
 argenteum est, & cœruleo colore perfu-
 sum, caudæ uero pinna crescentis lunæ fi-
 guram efficit, concava illa rotunditate ad

circini ductum effigiata. Eius etiam generis, quæ latiorem habet uentrem, uulgo piscatores Lopidam & aliū Lopida aliquanto minorem Stellam appellant. Ego Lechiam antiquitus fuisse Amiam putauerim, quā Plinius cum Thynnīs exire pontum asserit, nā tota specie maxime Thynnīs cognata esse uidetur, & Oppianus audaces Amias appellat, quas comparat Thynnīs & inire prælia cū Delphinis dicit. Aristoteles quoque Amias carniuoras esse, & ferratos habere dentes, branchiasq̄ contectas testatur, quæ branchiæ adeo patulæ mihi minime uidentur in Lechia uti in alijs, ueluti Umbris & Lupis & Coracinis cōspicimus Sed ut de hoc nihil certi proferam, uerba Oppiani me mouent, qui dicit Amias hirudinū more Delphinorum exfugere sanguinem, quod Lechijs attribui iure nō potest, quū & in tripedalē crescāt magnitudinē, & peracutis dentibus, solidisq̄ aculeis sint instructæ, quibus armis non fugendo, sed pugnādo per uulnera & cædem de Delphino uictoriam consequantur. Verum hoc de minoribus fortasse Amijs dixisse Oppianū aliquis

quis existimabit. Illud quoque Aristotelis de Amijs parum Lechijs conuenire uideatur, ait enim propterea Amias sic dicitas, quod gregatim uagetur, Lechias autem solitarias sæpius capi manifestum est, quod raro accideret, si turmatim uti Thygni, & plerique alij pisces per altum & litora deferrentur. Ceterum ut Amiam hodie Lechiam esse credamus, etiam id argumēto esse potest, quod Amiæ & prætenera & gustui suauissima carne à Græcis authoribus esse traduntur. Nam uti citat Athenæus, & Epicharmi, qui de Sirenibus scripsit, & Archippi antiquissimi poetæ carmina extant, quibus Amiæ ab ipsa gratiore pinguedine magnopere commendantur: ipse quoque Archestratus, qui uniuersam terram, cunctaque maria peragrasse uisus est, ut gulæ delicias, singula ubique edulia explorando, gustandoque diligenter exquireret, Amiam ueluti nobilissimum piscem in nuptijs Hebes celebravit, docuitque solēni præcepto eam felicissime coqui, si conspersa origano, & inuoluta iūco, cucurbitæque folijs ad prohibendum succi delicatioris effluuium mitioribus flāmis torreretur. Modo autem constat

Lechiam

Lechiam laudatissimo sumine & sapore præpinguium pulparū esse pretiosam, cuius capita Sturionum, Vmbrinarumq; capitibus Romæ omnium iudicio præferuntur. Probatissima autem in Ligustinis litibus capitur. Ottobonus Fliscus genere ac hospitalitate illustris, quum Genuæ essem, festiuo matronarum conuiuio tricubitalem nobis apposuit Lechiā, quæ non modo Romanorum, sed & pelagiorū piscium omnium laudes magno interuallo superauit, ita ut aliqui subtilioris gulæ homines pulparum suauitate allec̄ti semesa ex Lechijs obsonia in contumeliam auitū atq; quadrupedum, in alterum diem repōni sibi plerunq; præcipiant. Quo fit ut Lechiam proculdubio fuisse Amiam fateamur, quū nullum, qui insigni sapore præstet, piscem sine certo Latino nomine simus relicturi, & nullus ab ipsa Lechia piscis hodie nobis occurrat, quē Amiæ nomine appellare audeamus. Neq; enim mihi persuaderi potest, ut eam in illorū sententiam, qui Lechiam eum piscē credunt, quem pro Sturione Hyccam putauit Hermodaus, eo leui argumento, quod Hycca præpo-

præposito articulo, sicuti nunc Italiæ ueterem elocutionem amittentis mos est, in Lechiã abijisse uideatur. Porro Icesius in libro de materia Amias ab optimo succo teneritudineq; cõmendauit, aitq; nõ multa cū difficultate in uētriculis secerni, sed non multū omnino præbere nutrimentū.

DE CORVO CAPVT VIII

COruum eūdem esse & Coracinum Theodorus Gaza existimare uideatur, ueluti à Coruo Coruulus, siue Coracinus descendat. cui Hermolaus & Volaterranus refragantur, quoniam autoritate Athenæi Coracinus à uerbo Græco, quod genas, oculosq; frequenter mouere significat, non autem à Coruo, qui Græce sit Corax, dictū existimēt. Ego autē secus ac Volaterranus putat, Coruū genere ipso à Coracino minime differre arbitror, ea maxime ratione quod de Coruo nullā ferè à probatis scriptoribus mentionem fieri cõstet, autoritate uero omniū antiquorū Coracinus sit & latus piscis & subniger & squamosus, quæ differētię ei, quem nos hodie Coruū appellamus, manifeste consentiunt. Nam Coruus gibberosus

rosus est & proportione cæterorum squamosorum admodū latus uidetur, uti accidit Coracinis, quos Parmenio Rhodius, qui scripsit de re coquinaria, ut allegat Athenæus, Platistaticos à latitudine corporis appellauit. Nigricantes quoque in Coruis pinnas conspiciamus, quas Aristophanes in libro de palustribus, Coracinis attribuit. Sūt enim pelagij & fluuiales Coracini. Verum hæc nostra flumina nullos aut certe rarissimos ferunt, in Nilo tamen Plinio Martialeq; authoribus, & in amne Bethi ulterioris Hispaniæ reperiuntur, Gadibus uero & circa fretum Herculeū laudatissimi simul ac maximi, pares Niloticis capiuntur, quos Zeos, & item Fabros à colore atræ fuliginis appellabant, Coracinus ex his est piscibus, qui cōmode, atque feliciter saliantur, sicuti Galenus in libro de alimentis refert, eum salitum Eutidemus apud Athenæum, qui de falsamentis scripsit, Saperdam uocari affirmat: Ita ut Persius idē intellexisse uideat, cū dicit, Saperdamq; aduehe Ponto.

Nos uero cū æstate frequentius, quàm hyeme, ut Plinius etiā author est, eum capiamus,

piamus, feruenti oleo ad mediam cocturā mergere, & extractum protinus sale aceticoꝝ in sportulis myrti folijs certo ordine substratis reponere solemus, qua industria aduersus omnē caloris contumeliā per hebdomadas asseruatur. Coracinus & præsertim Niloticus prædulces habet carnes, quē uero proximis litoribus expiscamur tripedalem ad summū nō excedit magnitudinē, sed carne & aridiuscula, & ob id ab his qui gulæ delitiosius student, parum laudata. Athenæus elixo tostum meliorem esse testatur, nos uero contraria cōsuetudine, quū recentes & grandes nanciscimur, æneis excoquimus cacabis simplici in aqua, extractumqꝝ uirentibus petroselinī folijs coronamus, sicuti etiam fit in Vmbrinis, quas & sapore & squamarum latitudine plurimum referūt. Neque id inepta ratione, nam duriores eorū pulpæ penitus saporis gratiam amitterēt, nisi aliquo iuris lenocinio ab innata illa duricie mollirentur. Cæterum quāquam concoctū sunt difficiles paralyticis tamen mire conferunt, ut author est ille Plinius qui de medicina librum cōscripsit. In Coracini

racini capite lapillus inuenitur, quē p̄r̄orū collo pro amuletis suspēsum regio morbo aduersari, ignobiles quidā autho- res tradiderunt.

DE SPIGOLA SIVE LV-

PO CAPVT IX

LVpum antiquitus fuisse, quem Ro- mani Spigolam, Varollum Veneti, Etrusci Araneum, Hispani Lupum, Ligu- res uero Lupacium appellāt, in capite de Siluro diffuse mōstrauimus. solertissimus piscium habetur, & idem delicatissimus p̄sertim è Tyberi, & inter duos pon- tes, quod aquæ subiecti fluminis ab mul- tis cloacarū effusionibus pinguiorē escā subeuntibus p̄beant. Lupus hamo ca- ptus uulnera cōtempo dolore fortissime laxat, & excusso hamo protinus refugit. inclusus uero retibus imis in uadis sulcū crebro motu caudę, reiectis harenis facit, atque ita subterlabitur, ut Oppianus au- thor est, & hodie piscatores maioribus etiam miraculis additis, uno consensu fa- tentur. Propterea ab ipsa uehementia à Græcis Labrax appellatur. Parit bis in an- no Lupus, ut Aristoteli placet. summa in- est

est saporis gratia hyeme captis, & Ianuario præsertim mense, tunc enim & teneritudine, uti diuus ait Ambrosius, & mollitie, candoreque ut Plinius asseuerat, maxime commendantur. Luporum aliqui sunt lanati uel laneti à candore, ut Plinio, Martiali que uidetur, aliqui uarij, ut Columellæ placet, qui in piscinis ait includi posse Lupos sine macula, quos secernit ab his qui Varij sunt, ita ut proculdubio credã Varios maiores apud Ambrosium esse de genere Luporum, quos & Troctas appellat. Troctam enim esse Lupini generis apparet, ut aspectu, mutuâque naturæ collatione perspicitur, ut latius in capite proprio de Trocta differemus. Cæterum Luporum carnes in ratione ualitudinis à Galeno mirifice laudantur, quod subtiliorem generent sanguinem & perdicis carnibus æquiparentur. Athenæus autem Lupos ait boni esse succi, & non multi nutrimenti, quorum tamen superfluitates non facile secernantur, sed Cornelius Celsus Lupos sicuti & Mulos leuioris esse alimentati testatus est.

EE De

DE CEPHALO CAPVT X

MVgiles Græco nomine Cephalos Romani uocant, qui in plura genera partiūtur. Aliqui enim à capitis amplitudine Capitones, aliqui à prominulis inferioribus labris Labeones, q̄ hæc cognomēta Romanis familijs indiderunt, alij item Cestres, alij Bacchi, alij demum Myxini & Chelones & Leuchisti & Mucōnes appellātur. Capitones mense Decembri grauescere, ait Aristoteles, qui id genus piscium & in mari & in stagnis & in fluminibus gigni, ut uidemus, asseuerat. In uniuersum Mugiles sunt uelocitate admirabili, ut sagittæ arcu emissæ, quum lasciuunt, uel retia saltu trāsuoiant, esse uideantur. è mari aliquādo amnes, & ex fluuijs ipsa maria ingrediūtur. animal est minime maleficū, utpote quod alga tantum ac herbis atq̄ his, quæ in profundo uado ac ripis sunt, quisquilijs nutriatur. propterea ceteri pisces, qui minime in alios grassari solent, Mugilem, ut sanctū ac optimū in honore habent & uenerantur. Probat eos Galenus, qui marinis fluctibus exercentur, eos uero, qui in stagnis & fluminibus

bus urbiū sordes & sterquilinia alluentibus, maxime detestabiles asseuerat, quod ex eo alimēto admodū feculento uitium contrahant. Dorionis quoq; autoritate marini fluuialibus præponūtur, sed ñ præsertim sunt pessimi, q̄ sua spōte in stagnis atq; paludibus ex limo nasci dicuntur, ut sunt qui in Etruria ex Prillino lacu apud Orbatellū ad mediterranea deferūtur. ita ut & illos etiā uituperare liceat, quos Padusæ atq; ipsi lutulēti fossæ Clodiæ canales, uiscere prætenero Ferrariētib⁹ & Venetis gratos copiosissime præbēt. Icesius Græc⁹ author Athenæo perq; familiaris, idem & coquus & medicus, Cephalos & gustui gratos & laudabilis succi esse asserit. Galenus uero eos tardissime, & multo quidem uētriculi cū labore digerī atq; secerni prædicat, præcipitq; in eorū cōditura debere addi herbā Origanū, cuius uirtute facilior excursus ad uentrē inferiorē fieri uideat, eos tamē salitos minus noxios esse testatus est. Nos uero Cephalos omnes plenius eos in cœna comedētibus dolorē capitis, quem morbū medici recentiores Cephalēā dicūt, post paucas horas

EE 2 inducere

inducere sæpe deprehendimus, maxime si ad lautiores cœnas stomachi tenuiores accesserint.

DE AVRATA CAPVT XI

VEteres nō modo Auratam piscē in honore habuerūt, sed & Sergij Romani patritij luxuriosa eius piscis æstimatione perpetuum familię cognomentum fecere. siquidem à mari, Auratarum, aliorumq; pelagiorum piscium semina atque uiuaria in mediterraneos lacus deferebār, ut in obsequiū popinarū tralata maria uiderētur, quæ pretiosa edulia dulcioribus denegata undis, improbo opulētiorū studio, cotidianis cœnis copiose suggererēt. sic Auratas, Lupos & Murenas suburba ni Lacus, Sabatinus & Ciminus, & multo remotiores Vulsinensis & Velinus aliquando procrearunt, quæ seminaria degenerante sobole, quum externi pisces parum feliciter alienis in sedibus prouenirent, paulatim interiire. Ex auratis quæ toto passim mari, mira fœcunditate progignuntur, Tarentinam antiquiores prætulerunt, sed eam maxime quæ illata Lucrinis stagnis Concharum esu pinguescere

rec

ret, ut ait Martialis illo in carmine.

*Non omnis laudem, pretiumq; Aurata meretur,
Sed cui solus erit Concha lucrina cibus.*

Nōnulli optimorum studiorum laude insignes existimāt inter Auratas Scarum illum antiquis pretiosissimū piscem à piscatoribus uēdi, qui dentes humanis similes, & ad ruminandas maris herbas plurimum idoneos habeat, maximeq; squamarum specie Auratis assimiletur, cæterum ego crediderim eum nō facile à nobis deprehendi, errore uendentium, qui similitudine decepti, neq; animaduersa saporis nobilitate in foro piscario eum Auratis & Sargis commiscere consueuerint. consensu tamē piscatorum Zaphirus piscis, sic à cyaneo eius gemmæ colore dictus, inter Auratas lōge sapidissimus existimatur, q̄ fortasse Scarus antiquis fuerit. Porro Auratæ æstate raro, hyeme autem frequentissime capiūtur, quæ tum laudatiores existunt. ipsæ inter cæteros pisces peculiari quadam dote, singularē & saporis simul & salubritatis gratiā obtinēt, auctore Cornelio Celso, q̄ eas in ratione agrorum alendorū leuioris nutrimentī existima-

uit. Recte coquentur si ex præcepto Galeni, eas in craticula subditis mitioribus pruinis oleo & sale, acetoque consperferis.

DE DENTICE CAPVT XII.

Sinodontes pisces, Latini Dentices uocant, proximos Auratis & Pagris. habent enim prominulos dentes, & sunt latissimi, subrubraque uarietate conspicui, appellatur & hic Sinodus à Græcis alio nomine Charax, id est uallatus, uti est perpetua extantium dentium serie septus. Athenæus eum in fretis longe optimū esse ait, qui & salubrior est Galeno auctore, quā in uniuersum meliores euadant, quos plurima iactatione inquieta, æstuosaque maria fatigarint. eum Actius Syncerus Neapolitanus huius ætatis poeta nobilissimus in lusibus piscatorijs celebrauit quum dicit, *Dat Rhombos Sinuessa, Dicarchi litora Pagros, Herculeæ Mulum rupes, Sinodontas Amalphis.*

Sinodum Latini ueteres pariter ac neoterici uulgo Denticē appellant, probantque eum ex Illyrico Dalmatiæque litoribus & præsertim ex Salona atque Tragurio, quæ gentes concisum in frustra & semicoctum multo croceo & perspicuo gelu cōdiunt, cadisque

radisq̄ includunt, ita ut toto fermè annò per omnem Italiam & Romæ idem aduectius & recentissimus habeatur. Id genus autē obsonij medici magnopere detestantur, & ante alios Petrus Aponēsis, qui rudi illa tempestate diuini conciliatoris cognomentum in ea optimarum literarum strage promeruit. Is enim pisces semel coctos, asseruatosq̄ & præsertim uasorum cōclusos operculis mortiferā qualitatem acquirere, mandentesq̄ certo plerunq̄ ueneno inficere, ratione, atq̄ experimento deprehendisse affirmauit.

DE FRAGOLINO CAP. XIII

A Vratas sequunt̄ Pagri, siue Phagri, Fragolini uulgo dicti, ex his qui assantur piscibus longe probatissimi. sunt enim & gustui gratiores, & stomacho nequaquā molesti, utpote qui rationabiliter febricitātibus ipsis concedunt̄. nam præter id quod de omnibus saxatilibus Auicena intellexit, Pagri nullam uiscosi, lentiq̄ humoris exuberantiā habent, qui etiā ipso iure conceduntur, quoniā quum uniuersum piscium genus frigidaæ atque humidæ sit nature, humida frigidaq̄ cibaria

febricitātibus Hippocratis authoritate debentur, ut aliquando mirer quosdam scrupulosiores medicos, quum febris adsit, totum prope piscium genus prædamnare. Phagros Romani & magna pars Tyrreni litoris accolarum Fragolinos, Veneti Albores, ipsi uero Ligures antiquo serua to nomine Pagros appellant, quos, quum sesquipalmi magnitudinē excesserint, in Dentices siue Sinodontas euadere cōmunis piscatorum cōsensus existimauit. Si pisces à colore ipso (apparēt enim rubro uino madefacti) Erythrinis & Iecinoribus piscibus assimilantur authore Speusippo, ut ait Athenæus, cuius testimonio manifeste reprehendūtur, qui Fragolinos Opiano atq; Aristoteli Erythrinos esse putant, quos Theodorus Gaza Latine Rubeculas interpretatus est, quum ibi Athenæus Phagros Erythrinis comparet, qui sint genere diuersi, sed in ipso colore conueniant Verum id me plurimum mouet, ut ab illorum opinione recedā, quod Aristoteles & Plinius Erythrinos, uel Rubeculas grauidas & plenas ouis, toto anni tempore capi asserāt, quum in eo genere

mares

mares non sint. quod Fragolinis minime accidit, q̄ passim pluribus anni mensibus, sine ullo ouorū uestigio comeduntur. Illud quoq̄ accesserit ad cōfirmandam op̄inionem, nam dum grata palato Fragolinorum capita exugimus, plerūq̄ tenuior lapillus dentibus importunus occurrit, sicuti Aristoteles & Plinius eorū capitibus inesse testantur. Videmus etiam eorū corda triquetrae figurę similia, ut antiqui prodidere. Pagri ex sententia Icesij uere ipso, Archestrati autem exortu Caniculæ sunt præstantiores, nos autem hyeme eos longe lapidissimos experimur, sed ad summā saporis gratiam accersendam, ganeonum iudicio tres omnino conditiones requirere dicuntur, scilicet ut sint & recentes, & frixi & frigidi, ita tamen ut Arancij mali succo ac modico pipere torpescerent eorum pulpæ aliqua ex parte molliantur, & excitentur.

DE SALPA CAPVT XIII

SAlpa piscium pulcherrimus nomē retinet, atq̄ omnibus notus est, siquidē eum à ceruice in caudam per argentea latera, aureæ, rubentesq̄ lineæ certis distin-

ctæ interuallis decentissime depingūt. unde Græci antiquiores Mnaseæ Colophonio, quod poema uarium ædidisset, Salpæ cognomentum indiderint. frequēs est & procerus in Balearico mari, & præsertim ad Ebusum insulā à copiosissimis salinis celebratam, appellatur ab aliquibus, ut Plinius author est, obscœnus piscis, quod percoqui non possit, nisi ferula uerberetur. Solitarius est, paritēq; bis in anno Lutorū more. Natura astutus esse perhibetur, & longe omnium liquidissime audit, æstate melior est, & è toto mari circa Mitylenem probatissimus. Cæterum ille Archelstratus, qui in coquinaria à Græcis alter Theognis uel Hesiodus existimatus est, Salpam semper malum nobili carmine pronuntiauit, ita ut mirum minime uideatur, si hodie quoque is piscis, qui tam operose atque eleganter à natura depingitur, ab optimatum mensis, ut insulsus, & mendax sit repudiatus.

DE SARGO CAPVT XV

IN hæc maria Sargus nō semper (quam sit notus) enauigat, qui Brundusij Ennij poetæ testimonio lōge optimus habetur

habetur, præsertim si prægrandis fuerit. ij
 nanq; quos Romæ habemus, Auratã ma
 gnitudine uix excedũt, quam etiã latitudi
 ne atq; argenteis squamis referũt. Sargũs
 autũno & uere parit, ut ait Aristoteles, is
 alios minime comitatur ueluti superbus,
 nullã inesse gratiã litoralibus, ait Plinius,
 quod mirũ uidetur, quũ is maxime circa
 litora capiatur, ut in libro de historijs ani
 malium Aelianus latissime disseruit, ubi
 Sargos ait caprarum esse amatores, eosq;
 propterea facile capi ad earũ umbrã, quã
 in extremis litorũ marginibus & scopu
 lis collocatæ aduersus solares radios in
 æquora pronciãt, & extendãt, atq; ea spe
 cie, amore præferuidi facile alliciant. Opti
 mus est Sargus occidẽte Orionis sydere,
 tum enim uites foliorũ honore spoliãtur.
 Archestratus in popinalibus delicijs mihi
 sæpius allegãdus, Sargũ siccæ carnis esse,
 ac ob id assatum eum & calidũ, caseo, ace
 toq; conditũ probat, sicuti uno edicto o
 mnes siccioris pulpæ pisces condiendos
 præcipit, secus ac in præpinguibus & te
 neris sit necesse, q; solo sale atq; oleo indi
 cis in craticula sapidissime percoquũtur.

De

DE CAPONE CAPVT XVI

CApo litoribus nostris familiaris, Venetis autē ignotus, caput habet ualde magnū, & illud quidem enorme, quadratum & nullis uestitum pulpis. Oculi in eo sunt admodum rigentes, extenta supercilia, os languidum, minuti dētes, submento autem oblongæ ac rubētes pinnæ ad impexæ barbæ similitudinē: cætero autem corporis trūco rotundus est & teres, decrescitq; in caudam æqualiter extenuatus, quousq; in postremam desinat caudæ pinnam. Porro uentrem habet ualde candidum, sed puniceo colore Mulorū similitudine uariiegatum, dorsum autem flauescere potius quàm rubescere uidetur, Solidis quoq; & albicātibus constat pulpis, sed qui tamē aliquāto salubrior sit, quàm sapidior eruditioribus præsertim gnatonibus, qui illum ueluti aridiusculum aspernantur. Reperiuntur & aliij Capones qui bifurcata habent rostra, & dorsum osseis squamis armatum, quos in genere Caponum piscatores ipsi mares esse testantur. Ego autē aliud genus esse crediderim. Ceterum hæc est uera & expressa Caponis effigies

effigies, quæ dum piscium antiquiora uocabula quærirarem, mihi haud temere de singulis dubitanti, non mediocre negotiũ fecit/ quũ modo illum à magnitudine capitis de genere Capitonum alludente recenti nomine, esse putarẽ, modo Orphũ ab oculorum aspectu & rubro colore, arbitrarer, modo Erythrinus, siue Rubecula ob eundem puniceũ colorem esse uideatur. Nulla enim ex recenti gentium appellatione antiqui nominis cõiectura adferebatur, ut pro certo possem aliquid eruditorum auribus dignũ affirmare, quum Romani eum Caponem, Organum ligures, Galli uero Roscettum, quod eorũ lingua rubetum sonat, appellẽt. Sed Capitones de genere Mugilum, uanamq; subinde eius nominis coniecturam esse deprehendimus, sicuti existimare uideretur Volaterranus, qui imprudẽter Caponem putauit esse Labeonẽ. Orphum uero maiorem esse piscem, & unica etiam traiectum spina, quod in cæteris rarissime accidit, & deniq; tardissime eum mori, si etiam cultro medius diuidat, autoritate Aeliani, Athenæi, & Oppiani clare constat. Erythrinum

chrinum quoque esse non posse eadem ra-
 tione apparet, qua opinionem de Pagro
 refellimus, quoniã is toto anno grauidus,
 ouisq; plenissimus capiatur, Capones au-
 tem magna ex parte uentre uacuo repe-
 riantur. Sed nos eum proculdubio de Mu-
 lorum genere esse putamus, parati muta-
 re sententiam, si acutiores meliorem attu-
 lerint. Siquidem Mulum expressissime re-
 fert & capitis effigie & ipso colore puni-
 ceo, qui nullis alijs in piscibus, excepto
 Capone, & Mulo, ea claritate cõspicitur.
 Aliqui enim barbam habent, qui barbati
 & barbatuli à multis, & præsertim à Cice-
 rone dicuntur. Quod autem duo sint Mu-
 lorum genera, apud Athenæũ planè per-
 spicitur. anteponit enim barbatũ Mulum
 imberbi Mulo, sicuti Sophron poeta iudi-
 cabat. Plinius quoq; id Muli genus, quod
 est diuersum ab his qui gemina barba ca-
 pillari insigniuntur, Alutarium appellauit,
 quod barbatorũ comparatione uilissimũ
 erat. Volaterranus in hoc decipi uisus est,
 quoniam Mulos barbatos eos esse quos
 uulgus Barbos uocat, arbitratur, Barbos
 scilicet uiuaces illos & ab ouorũ malicia
 ualde

ualde noxios, quū Barbatus sit marinus, hic uero Barbus sit fluuialis, ab Ausonio enim Barbus uiuax celebratur, qui etiā eo argumento quod tarde moriatur, de genere Mulorum barbatorum esse nō potest, quoniam Muli, teste Plinio, sicuti & nos sæpius uidimus, cum primū extracti retibus fuerint, protinus expirent, contra uero Barbi uenales in lacubus ligneis, ut in Ticinēsi foro uidere est, diutissime uiuāt. An autem Alutarius is sit qui Capo nuncupatur, in medio relinquemus. Nec etiā absurdum foret, si pro Capone Cytharus acciperetur. Natura enim qualitateq; pulparum, ut Galenus innuit, Cytharū à Capone nō multum differre deprehēdimus.

DE LACCIA CAPVT XVII

LAccia piscis Romanę Academię doctissimos quosq; diu torlit, quum in urbe longe sapidissimus haberetur, nec facile reperirēt quo nam Latino uocabulo foret appellandus, adeo ut ipse Pōponius Lætus grāmaticorū eius ætatis princeps, & Platina idē ab ingenij monumētis & diligēs historicus & cocus industrius, temere Lupū esse crediderint, duplici quidem errore

errore, quando & quid Laccia antiquitus fuerit, & qui sit hodie Lupus Tyberinus, penitus ignorasse uideantur. Is piscis subtilissimis coniectus est squamis & argenteo fulgore cōspiciuus, pulparū uero mollicie, saporēque admodum delicatus, uerum adeo frequentibus ac molestis spinulis prætenere eius carnes impediuntur, ut in cōuiujs illarū tædio atq; periculo summa suauitatis gratiam amittant. Subeunt Laccia Tyberim amnem ad prima ueris signa, sed tum strigosæ & ab quadam marina salsuginis ariditate parum amabiles, quæ mox paucorum dierum mora Tyberinis in undis mirifice pinguescūt. raro cubitalem superant magnitudinem, & incipiente statim æstate in maria reuertūtur, sic ut reliquo tēpore rarissime appareant. Præter ipsum Tyberim, Arnus, & Umbrō in Etruria, in Cāpania uero Lyris & Vulturnus laudatissimas præbent. in Pado quoq; reperiuntur haud ignobiles, in Gallia uero, Hispaniæq; omnibus longe maximæ, sed quas sapiētiores parafiti Tyberinis minime esse comparandas existiment. Hispani Saualos, Alosas Galli & Campani

Campani, Etrusci autē & Veneti uetere seruato nomine Clupeas appellant. apud Aristotelem uero, Strabonem, Aelianū, Oppianum, & Athenæum Thrissas legerē est, quam uocem Alosam interpretantur Theodorus Gaza & Gregorius Tiphernas: ita ut idem esse & Thrissam & Alosam, & Clupeam, quā modo Romani Lacciam appellēt, manifeste appareat, quoniam Ausonij poetę Alosa, quū dicit, *Stridentesq; focis obsonia plebis Alosas,*

Romanę Laccię, uti Galli referūt, omnino simillima sit, & Clupeę Venetę atque Etruscę, idem esse cum Laccijs censeantur. Verbanus Lacus, qui hodie maior cognomine nuncupatur, item & ipse Larius Acones pisces ferunt, effigie ac sapore Laccijs persimiles, uerum magnitudine inferiores, utpote qui ad summum, pedalem mensuram non excedāt. uere quoque sunt graciles natura à Laccijs plurimum diuersa, autumno autem q̄ optimi: neq; illud obstiterit quod à plerisq; dicitur, Clupeam eandē & Lacciam esse non posse, quando Clupea tantę (ut uidemus si Laccia sit) nobilitatis piscis, ab antiquis

authoribus latinis parū celebratus esse uideatur. Nā unus mihi pro omnibus Ennius poeta amplissime satisfacit quū dicit,
*Omibus ut Clupea præstat, Mustela marina,
 Mures sunt Aeni, aspera ostrea plurima Abydi,
 Mus Mitylenæ est.*

Celebrat etiam alios pisces, sicuti uideri est in his carminibus quos Apuleius in Apologetico citauit. Id uero accidisse crediderim, quoniam Clupeæ toto fermè anno delitescant, tantumq; per angusto illo adolescētis ueris tempore, quo solum insigni sapore præstant, ueluti in ostentationem sui, amnes subeundo capiantur, ita ut acute & perurbane dixerit Hieronymus, *Vida idem summus & religiosissimus poeta, quum in conuiuio de Polyporum, Luporūq; prudentia dissereretur, neminem Clupea pisce prudētiorē sibi uideri, quoniam nō aliās, nisi quum obesus esset, appareret, & quidem opportunissimo tēpore, quādo uere ipso, per sacras leges sublatis carnū obsonijs, ipsi pisces in summo honore à Christianis habeantur. Cæterū Laccix uberrime nutriūt: sed glutinosioris alimentī excrementa in stomachis*

chis nō facile atterūtur, propterea ab ipsis exhalationibus intempestiuā somnolentiā inducere, & sitim augere existimātur, præsertim si appetentibus ad explēda uel mediocris etiā gulæ desideria minime defuerint. quod paucis, uel certe ipsis tātum è summo ordine nobilibus, ob eius piscis graue pretium, raritatemq; contingit.

DE TRIGLA CAPVT XVIII

Latini ueteres Triglam à Græcis appellatam, Mulum uocauere, à colore Muleorū calciamētorum, quæ languidū ruborem illum, ut in Persici & Ciclamini herbæ inuersis folijs conspiciamus, representat, ut referente Plinio, Fenestella existimauit. Triglae uero nomen ob id à Græcis fuisse inditū, quod Dianæ Hecati dicaret, quæ sit triformis, unde Virgilius dixerit, Tria uirginis ora Dianæ. Ea uero de causa Dianæ sacrificari testat Athenæus, quoniā Triglae Lepores marinos hominibus mortiferos, uti uenatici canes uenatricis deæ auspicijs persequantur. Eā Romani hodie, quū iam uetus Latinū Mulum nomen exoleuerit, Græco uocabulo Trigla appellāt. fuit is antiquorū pdigo luxu

adeo insignis & pretiosus, ut sæpius argenti puri pondere à priuatis etiam Quiritibus emeretur, quum pedis longitudinem superaret. Galenus ut erat acerrimus Romanæ luxuriæ castigator, unius eius piscis æstimatione plerunque miratus est eorum gulam, qui tantulum piscem tanti emerēt: cui eruditi ganeones subtilissime respondebāt, proceriores propterea quæri, quod in maioribus & maiora capita & ampliora iecinora, ad condenda uaria pulmenta inuenirentur, ut ex Oratiano carmine, quum dicit,

Mulum in singula quæ minuas pulmēta ne cesse est,

Et ex Plinij uerbis, qui alecem ex iecinoribus Mulorum confici affirmat, manifeste deprehenditur. Trigla ter in anno parit, nec amplius, quoniam ter foetis uermiculus innascat, qui genitalia semina protinus abrodant. Triglae admodum sunt uoraces, ita ut humanis etiam cadaueribus uescantur, sicuti in hanc sententiā expressit Oppianus, quum dicit,

Trigla uorat fœdas sordes, & mergit in aluum

Omnes illuues ponti.

Probantur Muli qui barbati sunt duplici crine

ci crine à mento defluente . altera species ignobilis, Alutariū uocatur. in Thasi insulæ littoribus optimi & maximi euadūt, apud nos hyeme & suburbano in mari capti maxime laudātur . Ligusticis enim & Venetis , itemq̃ Neapolitanis non ea saporis gratia, quanq̃ sæpe multo grandiores in conuiuia ueniāt . Galenus ait Trigla carnem neq̃ pinguem, neq̃ lentā, aut uiscosam esse, sed durā atq̃ friabilem, propterea gratam gustui, & digestionem facilem, & in genere alimenti naturæ hominum congruentē & maxime accommodatam. sed eam Plinius neruis inutilem existimauit : recte atq̃ salubriter in craticula coquitur, quæ lōge sapidior erit , si petroselini subfrixia folia atque instillatus cum oleo Arancinus succus accesserint. Apitius nepotū ille maximus gurgis in Garro, quod ex salitorū Scombrorū muria liquamen erat, uiuos Mulos, ut sapidiores euaderēt, enecauit. Trigla si in uino suffocetur, idq̃ à uiro protinus ebibatur, impediendæ Veneris potestatem habere Athenæus, autoritate Therpsiclis affirmauit, qui & mulieres quoq̃ si illud itidem pota-

FF 3 uerint

uerint, minime posse cōcipere testat^r est.
 DE SAURO, TRACHURO, ET
 SCOMBRO, CAPVT XIX

SAurus antiquum nomen adhuc reti-
 net, nec pedis magnitudinē excedit,
 minores fricturæ nomine ueniunt. Sunt
 enim multa piscium genera, quæ ob par-
 uitatem in sartagine frixoria feruētī oleo
 coquuntur, sicut Triglae, Bocæ, Sombri,
 Trachurī, Pagri, & Auratæ, & propterea
 uno nomine frictura uulgariter appellan-
 tur. Sauros Galenus à carnīū mediocrita-
 te laudauit, quod mediæ sint inter duras
 & molliores. Athenæus quoque eos sapi-
 dissimos esse ait, si exēptis brāchijs, caseo,
 sale, atq; origano cōdiantur. Trachina &
 ipsa etiā in fricturæ numerum refertur, q̄
 Trachurū, ut Oppiano uidetur, esse puta-
 mus, uel, ut Athenæo placet, Thrachidā,
 eo argumēto, quod infestā & prope læta-
 lem spinā in ceruicibus habeat, & binas
 item alias & quidem acutissimas ab auri-
 bus prominētes Hic piscis oblōgus est ac
 tenuis & falcatus in uentrē, cuius latera
 lineæ frequētes & obliquæ uergentes ad
 cæruleum colorē pulcherrime describūt.
 Scombrum

Scombrū uero nostri Lacertū appellant, quia à Venetis antiquo nomine nūcupatur. Cornelius quoq; Celsus eū pro Lacer-
to accipere uidet, ex quo falsamentū fieri
ait. interpres etiā Galeni antiquior & in-
eptior Saurū, Lacertū perperam appella-
uit. Sombri & oblongi & exiles sunt, &
sulphureo colore cōspicui, præsertim quū
in aquis uagantur. uere pinguescunt, quo
tēpore Venetijs inter delicatiora obsonia
reputantur. Romæ autē ab innata quadā
siccitate sunt ignobiles. Icesius minores
Sombros maioribus antepōnit, quos bo-
no succo nutrire uentres autumat, sed qui
tamen difficilis secretionis habeantur.

DE ASELO ET MERV

LA CAPVT XX

ASellū proprio nomine Ligures, Ro-
mani uero Scarmum & Merluzū
appellāt, capite est admodū lato, pressōq;
ut in Gobijs uidemus, ore autem maxime
denticulato ac patulo, cætero corpore est
oblongior, squamæ sunt admodū minu-
tæ & uergētes ad cinereū colorem, sicuti
in asellis quadrupedibus cōspicimus. M.
enim Varro Merulā, Turdū, Vmbrāq;

FF 4 & Ascū

& Afellum à colore quem referāt, ait ap-
 pellari. Afelli dum æstiuī soles feruescūt,
 ardoris impatiētia latitant, sicuti Glāucus
 & Aurata, nec quoties pariāt, inueniri po-
 tuit, ut ait Aristoteles. Eorū genera sunt
 duo, maiores Banchi, qui in bipedalē ma-
 gnitudinē augētur, & minores quos Cal-
 larias uocant. Plinius eos in capite lapillū
 gerere & delicatos esse cōmemorat, Gale-
 nus uero cum saxatilibus æqualem habe-
 re carnem attestatur. sunt & Turdi subui-
 ridi colore & frequētibus guttis, ut in uo-
 lucris uidemus, uariēgati atque insi-
 gnes, itemq; Merulæ, Coccyges à Græ-
 cis appellatæ, quæ ab medio quodam co-
 lore inter atrum atq; subfuluum Merulis
 auibus assimulantur, sed in Aquatiliū ge-
 nere, non eam habēt saporis nobilitatem,
 quam Turdis ac Merulis auibus ueteres
 attribuere. Siquidē & Turdi admodū in-
 sulsi sunt, & Merulæ ut Athenæus ait, dif-
 ficillime cōcoquantur, in quarum condi-
 tura Archestratus ille poeta parasitus cū
 caseo, maloq; granato & sale atq; oleo Sil-
 phium admiscuit, quod ut Hermolao pla-
 cet Laserpitij genus est, sed quomodo is
 succus

succus concretus & odoratus in conditura piscium conuenire possit, alij uiderint. Sunt & Phycides Tincarum uiridium colorem atq; effigiem referētes (Fici uulgo nuncupantur) qui procerum patinas raro implent, quum insipidissimi sint.

DE BOCA CAPVT XXI

Dorsum picturatum habet Boca, piscis notus omnibus fermè litoribus, atq; uno tantum nomine nuncupatus: dictus est à uoce, propterea quod sacer sit Mercurio eloquentiæ deo, sicuti Cytharus Apollini, Dianæ Trigla, Libero patri Cittulus, Veneri Apua, & ipsi Neptuno Pompilus nauigiorum comes. Aristophanes autem Byzātius, ut Athenæo placet, Bocam potius Boopam appellari debuisse asserit, quoniam is piscis prægrādes habeat oculos, sicuti & Silurū, potius Sciuurum à crebro motu caudæ nūcuparit. Cæterum Bocæ fœcūdiffimæ sunt, & gregatim capiuntur, solentq; eas piscatores in oleo, acetoq; semicoctas cum myrto plurima in canistris asseruare, quæ postmodum in remotissimas à mari Italiæ regiones mercimonij causa deferuntur.

DE GOBIO CAPVT XXII

GObio uel Gobius Venetijs frequēs & pingui teneritudine delicatus, rarissime Romæ conspicitur, pro squamis uariam cutem habet & ualde lubricā. candidantes nigris, Plinio authore, præferuntur, uirides autem sunt pessimi, semipeda- lem longitudinē non excedunt, circa litora parere solent, ut Aristoteli placet, & uadoso potius in mari ac æstuarijs quàm in alto, uel ubi fluctus scopulis alliduntur. quanc̄q; & eius generis maiores sint ex saxatili genere, quos & Caulinos & Cothonas, ut Hermolao uidetur, Siculi uocauerunt. Icesius Gobios multi esse succi & facili digestionis asserit, sed qui & exiguum simul & malum præbeant nutrimentum. Galenus autem dicit, Gobiones circa arenosa litora & saxosa promontoria esse & gustui gratos, & in prima & secūda digestionē facile secerni: cōtra uero qui ostijs fluuiorum & stagnis caperētur, ualde detestabiles. Sunt etiam fluuiales Gobij ex Verbano præsertim & Lario lacubus, qui insignes habentur, ipsis iecinoribus parato gratissimis, eos & Strincios & Botestrias

triffias Insubres appellāt. in Etruria quoque in Marina præsertim amniculo, q̄ ex Apennini iugis apud Pratum oppidū in Arnū euoluitur, locū sunt pisciculi delicatiores Gobionibus admodū similes, qui quum effigiem illam mire exprimāt, etiā in tantula carne eundē saporē habēt.

DE SCORPENA CAP. XXIII

Scorpionem & Scorpenā Aristoteles diuersos facere uidetur. idem & putauit Athenæus, qui citat Aristotelē: unde Hermolaus quoq; ipse in Corollario nihil pro certo affirmarit. Cæterū Scorpenā fermè omnes uernaculo nomine nuncupamus piscē subrufum, uariumq; & multis armatum aculeis, cute autem minime squamea, sed Gobionis similitudine lubrica, qui, ut ait Ambrosius, uenenato aculeo sit truculentus. eorū unum genus pelagium est, alterum palustre: illi rufescūt, n̄ uero nigricant, qui & minus probantur, pariunt bis in anno. In uniuersum Icesij authoritate uentrem leniunt, facile secernuntur, & quum multo abundant succo, multum etiam alimentī præbent. Epicharmus in nuptijs Hebes, Scorpenam
ait

ait esse solitariū & marina uesci alga. minores qui semipedalem longitudinem nō excedunt, maioribus anteponuntur iudicio Archestrati, qui fuit obsoniorum structor longe subtilissimus.

DE PERCA ET MELANUR
RO CAPVT XXIII

Percas pelagias Romæ raro uidemus. Assimilantur hæ Mænis ipsis, quæ hodie Menulæ dicuntur, nam subfurvas habent Zonas, quibus ipsæ toto corpore squamosæ, & argenteæ distinguuntur, in dorso impares eminent aculei tenui inter se membrana coniuncti. Propterea Athenæus Percam ait spinis esse coronatam, & insigni uarietate conspicuam. Pulchræ quidem sunt, grataeque gustui, & languentibus salubres. Plinius inter saxatiles eas connumerat, & ex ijs qui hyeme capiuntur. Dux & magister Percarum est Melanurus, qui alio nomine Oculata dicitur à magnitudine oculi, ut Theodorus interpretatur: uarius est & frequētibus guttis conspersus, non absimilis Auratæ, uerum natura ut Aeliano placet, pisciū & timidissimus idem & cautissimus: nam ex ipsa ma
ris

ris tranquillitate piscatorū aduētum præcognoscit, mergitq; se profundissimo mari: si uero in summas aquas fuerit enatandum, agit circa scopulos & mira sagacitate in spumis latitat, quas infracti scopulis fluctus continue excitant. Cornelius Celsus Oculatam in genere alimenti maxime probauit. Numenius uero Melanuros uim obstruendarum uenarum habere, & multo Sargis sapore & succo inferiores esse testatur: ita ut Melanurus alius ab oculata esse uideatur, sicuti sensisse Pliniū putamus, qui Oculatam Soleis atq; Paseribus admiscuit, & in eodē uersu utriusq; mentionem separatim facit, quod & diligentissimus Hermolaus animaduertit, quū in hoc pisce aut Plinium, aut Theodorū errauisse arbitraretur. Id uero Gazam mouere potuit, quoniam Aristoteles quū de Scarō mentionem faceret, semper Melanurum illi coniunxit, idemq; fecisse Celsus uideretur. nam Scarum semper cum Oculata nominauit, quasi quum Melanurum dictionem Græcā reformidaret, oculatam pro pro Melanuro substituerit. qui piscis à latinis, uti hodie Venetijs & alibi

Ochialis

Ochialis propter oculorū magnitudinem nuncupatur, non autem is à nigricie caudæ, sicuti Græci appellabāt, Nigricauda uel Àtricilla uocetur, sed Melanurus, qui Neapoli frequens est, Romæ raro conspicitur, sic ut nemini mirum esse debeat, si eius uerā effigiem instituto picturæ opere minime referemus. Ceterum Percæ, ut ait Aristoteles, in fluuijs & lacubus etiam uersantur. Iiç hodie in Gallia summā obtinent dignitatem alendis febricitātibus, appellātç eos Galli antiquo nomine Percas, quos celebrauit Ausonius Gallus, quum dixit in Mosella,

*Nec te delicias mensarum Perca silebō,
Amnigenas inter pisces dignande marinis,
Solutus puniceis facilis contendere Mulis.*

In Italia autē laudatissimi sunt è Lario lacu, quos Nouocomenses ipsi Percecos appellant: eos fama est fuisse aduectitios, & inquilinos, tralatis scilicet seminibus è lacu Eupyli, qui Lambrū emittit amnem, ut meminit Benedictus Iouius frater in Larianis Lusibus ad Minitium Caluum.

*Eupylis exigua sum Percecus ortus in unda,
Meç peregrinum Larius inde tulit.*

Scd

Sed Eupylis multo minores, quàm Larius Percecos producit, quoniam magna ex parte uel influentiũ aquarum defectu, uel occultiore aliquo hiatu terræ haustus multis ante annis exaruit, abijt que in tres minores lacus aquis in depressiora loca subsidētibus, qui à Licino foro uetere oppido, quod & ipsum interiit, plebis Licinĩ Lacus hodie nuncupantur. In Lario Percæ ad pedalem crescunt magnitudinem, croceas pinnas habēt, & maturescētibus præsertim uuis ab ipso pingui & prætereis interaneis magnopere commendātur. Medici ferè omnes Galliæ Cisalpinæ Percas ægris robustioribus apponere nō dubitant, præsertim si crudarum uuarũ succo, quem aggestam uocant, diligentissime condiantur. Diocles quoq; Medicus in libro de salubribus, ut Athenæo placet, Percam è saxatilibus, qui molliores habeant carnes, ut sunt Turdi, merulæ, Gobij & Phycides, plurimum laudauit.

DE RHOMBO ET PASSE

RE CAPVT XXV

H Actenus de squamosis piscibus, nunc de planis agemus, qui spinas habent

habent, & de his quæ ab Aristotele Sela-
che, quod spinis careant, & à Plinio car-
thilaginata appellantur. In his principa-
tum obtinet Rhombus, sic dictus fortasse
ab instrumento Thessalico magico, quod
Rhombum, id est rotundum sit. est enim
hic piscis longe latissimus & ouali figura
rotundior, quæ forma in instruendis acie
bus Rhombi nomine à scriptoribus rei
militaris appellatur, unde Martialis,
Quamuis lata gerat patella Rhombus,
Rhombus latior est tamen patella.

Græci authores Rhombū Psittæ nomi-
ne uocarūt, ita ut Psitta genus ad Rhom-
bum, Passerē & Soleam esse uideatur. Ari-
stoteles nanq; Rhombi nusquā meminīt,
sed Passeres, sic hodie nuncupati à Roma-
nis magnitudine, saporeq; & figura etiā
oblōgiore à Rhombis differūt, in eo quo-
que dissimiles, quoniam dexter situs sit re-
supinus Rhombis, leuus autē Passeribus
& Soleis. Cæterū Rhombus inter planos
obtinēt principatum, quem nobilīs qui-
dam aulæ procerum circa popinales de-
litiās ingeniosissimus aquatilem Phasia-
num appellare solebat, non absurda qui-
dem

dem comparatione , sicuti & Soleas Externis, Lampetras Coturnicibus, Lupos altilibus Capis, Sturiones uero Pauonibus adæquauit, ut ex coquinaris cōmentariis, quæ eius coci nomine circumferuntur, licet intueri. Capitur Rhombus toto anno & circa pinguiorem arenam, extremasq; litorū margines: natat transuersus, cōuoluitq; se certis flexibus, Strabonum more, ut situs oculorum uitium emēdet, suaq; potius latitudine quàm pinnarū adminiculo fretus cursum dirigit, omnium profecto & temporum & locorū piscis, idemq; & delicatus & salubris, hyeme tam quàm æstate, & in Italia Rauennæ, quàm alibi multo laudatior. Rhomborū pulpæ sunt candidæ, & presso quodā humore succulentæ, quæ affatim & salubriter alunt, modo in prima cōcoctione, quæ celebratur in stomacho, superfluæ earum partes perfectissime secernantur. Galenus in alendis conualescentibus Rhombos in iure simplici cum modico sale, porris & aneto intritis percoquebat. Sanis autem, & his qui sensum appetētis stomachi deiectum habuissent, tostos in crate, acetoq;

G G conspersos

consperfos, uel frixos cum Garo, ac uino apponere consueuit.

DE SOLEA CAPVT XXVI

Sequitur Solea, Lingulaca à M. Varro ne nuncupata, ab Athenæo autē Buglossus, quod bouinæ linguæ effigiē imitetur, hodie in lautioribus cōuiujs in summa etiam cæterorum piscium copia magnam obtinet claritatem. Probatur hyeme & frixa Arancij mali succo, pipereq; conspersa. Maxima in Belgicis oceani litoribus reperitur, nostrates pedalem longitudinem raro superāt. Soleæ maleficos pisces defugiunt, eaq; solum frequentant loca, in quæ belluæ minime accedunt, ita ut argumento sint maleficos non esse, ubi ipsæ ueluti solutæ metu uagentur. Solea leuissimum adgenerat nutrimentū in stomacho, facile concoquitur, & in secundis uenarum & iecinoris digestionibus nulla fermè noxiarum superfluitatum excrementa relinquit.

DE CITVLA SIVE SANCTI
PETRI PISCE CAP. XXVII

Piscem è genere planorum, similitudine Istricis, ipsa dorsi acie aculeatum, capite

capite extento, ore latissimo, cuius maxillæ ex perspicua membrana cōstare uidentur, Romani Citulā & sancti Petri piscē, uti & Veneti, Ligures autem Zaphirum appellant. Sunt in eius utroq; latere gemini orbes, qui bina imprimentium digitorum uestigia esse uidentur. Sapore, pretio, & effigie si caput abscideris, ipsi Rhombo persimilis. Quo autem nomine Latini ueteres Græciq; illū appellarint, pro constanti affirmare non ausim. Quibusdā uidetur esse Chalcis de genere Rhomborum apud Columellam. Putaui ego illum esse Acanthiam, qui sit de genere Galeorum apud Athenæū, sic dictus, quod spinosus sit, & certe si Galei prolē ore suscipiunt, ut eam ab inuadentiū pisciū iniuria tueantur, hic piscis ante omnes os habet aptissimū, ut ea pietatis in filios officia cōmodissime præstetur. Acanthiæ certe Opiano è genere Galeorū sunt, & aculeati, sed is fortasse est, qui à nobis Colūbus piscis appellat, infimæ plebis obsoniū, qui oblongus est, & carthilaginatus, spināq; habet in dorso. Aliquādo quoq; dubitauī, an esset Cytharus, quē sepius Galenus cū

Rhombos nominauit, asserens Rhombos
 lapidiores & meliores esse Cytharis, ut
 manifeste in mēsa utriusq; collatione de-
 prehendimus. inuenio tamen apud Athe-
 næum, piscem Citulum dici Libero pa-
 tri, sicuti Cytharū Apollini, Triglam He-
 cati, Apuam Veneri, qui si nominis con-
 iecturam sequemur, profecto Citula Ro-
 manus antiquorum Græcorum Cittulus
 esse poterit.

DE TORPEDINE CA. XXVIII

TOrpedo effigie, potestateq; admira-
 bilis, sic dicitur, quoniam capta in re-
 tibus, priusquàm attingatur, piscatorum
 manus stupefaciat: ppter ea Veneti eam
 Sgramfum, quod est torpescētis membri
 affectus, appellant. Romani autem modo
 Battipotam, modo Foterisiam, frequen-
 tius uero Oculatellam dicūt, quod in eius
 dorso quinque ocellos subnigros ipsa natu-
 ra depinxerit. Subrufa est prona parte, su-
 pina autem candida. Auerroes, cæteri-
 que Philosophi Torpedinem ea qualitate ma-
 nus adficere, qua ferrum à magnete lapi-
 de pertrahatur, existimarunt. At Galenus
 Torpedinē inter pisces, quibus uescimur
 in tertio

in tertio de Alimentis nominavit, quanquã ea hodie à plebe, egentissimisquẽ hominibus tantum comedatur.

DE RAIÀ ET ALIIS CA. XXIX

SVnt etiã è planis Raiã, & Squatinã, & item compositi ex utriusquẽ Rhinobates, siue Squatraiã, quã foedã sunt asperctũ, atquẽ esu admodum iniucundã, quum inter sordidã plebis atquẽ pastorũ obsonia censeantur. Raiarum fel auribus sanãdis aptissimũ est. Squatinarũ autẽ scabrũ tegumentũ ad poliendũ ebur propter asperitatem ab artificibus expetitur, ex eo cultellorum & falcatorum ensium uaginas Turcã, Barbari quẽ maritimi admodũ pulchras conficere solent, quas Sagrinas appellant. Est etiam huius generis Pastinaca, idem & Turtur, & Trigon, quẽ à mortifero aculeo lethalis ab Oppiano dicitur, quo Vlysses ictus à filio perierit, hodie Bruccus dicta. Hęc simul & Raiã & supra citati pisces è mustellino sunt genere, prolem tamẽ ore (ut aliĩ solent eius speciei) suscipere nequeunt propter caudarum asperitatem.

GG ; De

DE CONGRO CAPVT XXX

Post planos pisces oblongi & lubrici citabuntur, & ante alios Conger subalbus, & teres, qui ingētis Anguillæ speciem præ se fert. Hunc Icesius ait omnibus gregalibus piscibus duriores, & ob raritatem carniū tenuissime nutrire, neque laudabilem præbere succum, eum tamen stomacho minime esse molestū, aut incōmodum. Idq; Galenus affirmat, qui dicit Congros parum afferre nutrimentū, cæterum facillime eorum carnes digerī, atq; secerni, ita ut mirer Albertū Magnū, quum dicit, Cōgros natia quadam proprietate lepram morbum generare. Congros in immensam crescere magnitudinē apud Sicyonem Peloponnesiā Eudoxus tradit, ita ut currū lōgitudine superēt. Porro Archestratus in libro de legibus uentris, Cōgros in Italia longe optimos iudicauit, quod mihi nequaquā uerisimile uideatur. Quando neq; hodie aulæ principes, neq; ipsi cupedi uoræ Congrum magnificiant, soli q; Hispani Romanæ urbis inquilini eū exoticis quibusdā pulariis incoctū, in summo honore habere uideant.

De

DE MVRENA CAPVT XXXI

MVrenæ toto mari sunt frequentes, sed in Siculo longe maximæ, atque optimæ, eas Columella Flutas appellauit, quod summis in aquis fluitent: unde accidat, ut in nimijs solis ardoribus exusta cute sese mergere nequeant, amissa quæ flexuosi motus agilitate capiãtur. Sunt maculosæ, & in collo aliquot stellas ad formã septentrionis habere dicuntur, quæ statim morientibus euanescent. Mira in his sagacitas, nam ut se captas sensere, hamũ auĩdissime deuorant, dentibus quæ lineam protinus abrodunt, & effugiunt. Veteres Romanos à uiuacitate potius quàm à saporis præcellentia Murenas æstimasse crediderim, quoniã magna eorũ copia in cotidianos usus uiuarijs inclusa diutissime poterat asseruari, cæteris piscibus, aut terdio carceris, aut uitio piscinarũ facile pereuntibus. Constat enim C. Hirccium ex uiuarijs epulo triumphali, dictatori Cæsa-ri sex milia Murenarũ mutua appendisse. Mansuescũt, & de manu hominis escam accipiunt. Crassus ille cognomento diues Murenam altilem adamauit, adeo ut fato-

functam aliquando luxerit, & tumulo in-
 diderit. Extat quoq; illud falsissimū Crassi
 dictum, quum L. Domitio admodū riden-
 ti, atq; admiranti, quod mortuam defleret
 Murenam, respōdit, mirum quidem esse
 quod extinctum piscem lachrymis prose-
 queretur, sed multo quidē admirabilius,
 quod ipse tres à se elatas uxores non lu-
 geret. Extulerat enim tres uxores Domi-
 tii, quas quidem ueneno, ut dotibus por-
 tiretur, sustulisse dicebatur. Aliquæ etiam
 fœminæ in delicijs Murenas habuerunt,
 ut Antonia Drusi, quæ uni spectatæ man-
 suetudinis gēmatas inaures addidit. Ve-
 scuntur humanis carnibus Murenæ, idq;
 Vedij Pollionis crudelitate uerū esse ap-
 paruit, qui damnatos seruos in uiuarium
 demergebat, ut illi non extēplo, sed paula-
 tim in minutissimas discerpti partes Mu-
 renarū morsibus absumerētur. Ferūt Mu-
 renas in cauda uitalem spiritum habere,
 propterea illas aliquāto celerius interimī,
 si in extrema caudę parte potius quàm in
 capite sustibus uerberētur. Sanga Roma-
 nus poeta lepidus, cuius beneficio Athe-
 næum Latinum legimus, quū Pyrgorum
 in

in litore piscaremur, docuit Murenas ab antiquis exossari, Plauti auctoritate, ut eorū carnes nullis impeditæ spinis gratiores redderētur, ingentemq; ille Murenā binis bacillis utraq; manu comprehensis mediam astringendo, detergendoq; recte & festiue admodum exossauit. Serpentes cum Murenis coire, quas sibilo è profundis in litus euocent, diuus Ambrosius, & complures antiquorum tradunt, cui opinioni Athenæus refragatur, auctoritate Andreae, qui de his quæ falso creduntur librum edidit, Murenæ toto anno pariunt, estq; de genere earum Murus robustior, & grāior, & unicolor Larici ligno, colore persimilis, ut Aristoteli uidetur, quem Myrinum Plinius appellat. Inuenitur & Murena fluuialis multo minor, quæ unā tantum habet spinam, & Gallaria, auctoritate Dorionis, ab Athenæo nūcupatur, ita ut arbitrer hanc minorem Murenā intelligere uoluisse Athenæum pro ea, quæ à nobis Lampetra uocitetur, sed de hoc mox diffuse differemus, Murenarum carnes non minus nutriunt, q̄ Anguillarum atq; Congrorum, ut Icesius asserit. Verū

ab duritie quadam innata & ex tenaci humore laboriosissime digeruntur, sed à laetibus eximijs summam cōmendationem accipiunt, quibus Heliogabalū Cæsarem insana prodigalitate, quum in mediterraneis esset, aulam omnem, ac rusticos paruissē Lampridius in historijs affirmauit.

DE ACV CAPVT XXXII

Est & Acus de longorū genere, quæ à Græcis Rhapsis, & Bellona dicitur, rostrum habet Gruis, uel Ciconiæ similitudine, colorem uero argenteum, spinam autem, ut Albertus Magnus annotauit, uiridis coloris, hic piscis sero parit, & per æstatē tantū, utero dehiscēte tēpore partus, secus ac cæteris accidat piscibus, qui ipso uuluaē foramine pariunt, ut Aristoteles existimauit. Humidū, bonumq; succum eius carnes præbēt, sed tardiuscule cæterorum cōparatione cōcoquantur.

DE ANGVILLA CAP XXXIII

Anguillas, quod anguib; assimilentē M. Varro dictas existimauit: nascuntur ex limo, algarumq; putredine imis in lacubus & fluuijs, nullo coitu, nullaq; foetura, ut ait Aristoteles, uiuacissimæ

mæ sunt, quoniam branchias habent per angustas, unde etiã fit, ut turbidas aquas difficillimæ tolerēt. Reperiuntur & in mari anguillæ secundis amnibus deuectæ; secus ac alijs contingat piscibus, qui è mari subire amnes, allecti aquarum dulcedine consueuerunt; & eæ quidem multo sapidiore uidentur, quàm ipsæ proinatæ, nutritæq; in amnibus, ueluti quæ uiscosum, lentumq; illum habitum penitus exuant salfarum aquarum egregio temperamento. Neq; tamen credendum est, in alto ac profundo mari dulciorem deesse humorem, quo maxime pisces foueantur. Nam ut ait Aristoteles, in pfundis uadis aquarum dulcium uenæ perennes existunt, & in ipsa marinarum aquarum mole portio certa dulciore humoris reperitur, quum maris aqua, neq; simplex sit, neque, ut aliqui uoluerunt, purum elementum, argumento sunt uasa cerea è nauigijs in altum demissa, quæ paucarum horarum spatio dulci aqua per meatus subtilissimos recepta, manifestissime replētur, ut Democritus ante Aristotelem: & utroq; posterior Theophrastus experimento deprehenderunt.

runt. Cæterum Anguillæ in mari rarissime, frequenter uero in omnibus fermè fluuijs ac lacubus Italiae capiuntur. Sed ingentes & sapidissimas alit Vulsinensis lacus, quarum incredibilem multitudinem capi uidimus in excipulis ad egressum Martæ amnis fabricatis, cum Alexander Farnesius Cardinalis Leonem Pontificem in eam amoenissimam regionem ab urbe uenandi studio secedentem, regali magnificentia suscepisset. Anguillas omni ex loco, omniq; tempore, & præsertim circa solstitium medici detestantur. Stomachis enim & renibus sunt inimicæ, sed præcipuum sentiunt nocumētum ex earum obsonijs, qui harenulas mingere cōsueuerunt, quoniam illæ anguillari glutino in calculos cogi & astringi uideantur. podagra quoq; laborantibus manifeste officiant, nec ullis morbis medentur, sic ut inique fecisse natura uideatur, quæ tam suauem refutandis, expuendisq; piscibus saporem indiderit. Cæterum Anguillas minime noxias, sed quæ propter exilitatem commode ueribus torrerî non possint, gignit Serius Cremonensis agri fluuiolus, qui in Adduam
excurrens

excurrens, Vidæ poetæ paternas possessiones interluit.

DE LAMPETRA CA. XXXIII

SVbeunt Arnum, & Tyberim Lampetræ, atq; in his præsertim omnibus ad generosum habitum adulescunt, Anguillis, uel paruis potius Murenis assimilantur. sunt enim lubricæ, & nigricantes, tendente tamen earum parte prona ad cœruleum colorem, utroq; autem gutturis latere foraminulentæ, siquidem septenis paribus fistulis mirabili ordine à natura fabricatis acceptam aquam emittūt, quū branchijs omnino careāt, nec cubitalem excedere magnitudinem soleant. Omnibus autem Galliæ Cisalpinae riuulis, ipsisq; præsertim Ticini, atq; Adduæ emissarijs multæ reperiūtur prætiosæ admodum, quam minimi digiti crassitudinem rarissime superent. Sed Romanis præcipua nobilitas à magnitudine atque sapore, adeo, ut denis sæpe aureis singulæ uæniāt, ipso præsertim uere quo maxime probantur. Neq; enim dum ieiunamus & frugi esse debemus, luxuria castigatur. Retulit Plautina in culinarijs suis, duorū Cardinalium
luxu

luxu, superbiaq; certantium obsonatores, centum aliquando argenteorū nummūm uni Lampetræ pretium fecisse, quū in foro piscario ambitiosius cōtendendo eum piscem pertinaci, atq; insana profusione ueluti ad hastam licitarētur. Lampetram neoterici quasi à lambēdis petris dictā putant, quā Græcis Galeū, Latinis uero Mustelā fuisse arbitramur. Eam Ennius poeta pretiosissimis æqualē facit, & Plinius bonitate Scaro proximā esse testatur, & Ambrosius gustu suauē uocat. Porro Galeorum plura sunt genera, ut apud Aristotelē, Athenæū, Oppianūq;, ac ipsum præsertim Galenū licet intueri: dicitur enim piscis Mustela è Galeis, siue ex Mustelino genere, ut Theodorus Gaza passim interpretatur, prolem ore suscipere & rursus emittere, ut illam à piscium maleficorum iniuriā tueatur. Cæterū Galenus in tertio libro de alimentis Philotimū reprehendit, qui Galeū in ordine duras habentium carnes collocabat, quū Galaxius sit is piscis è genere Galeorum, quem Latini Mustelam appellant, piscis inquit & molli, & apud Romanos gloriosus. Neque enim

enim ille uetus pariter ac ineptus Galeni
 interpretatus est. Quod profecto Theo-
 dorus fecisset, q̄ semper nominibus Græ-
 cis, pro uirili, Latīna uocabula reddere cō-
 sueuit. Icesius pariter in libro de materia,
 è genere Galeorum meliores & mollio-
 res Asterias appellauit, ita ut fortasse pu-
 tandum sit eum pro Asteria Lampetram
 innuere uoluisse, quod Lampetra quasi à
 maculis, quanquam obscurioribus stella-
 ta sit, & mollis & delicata. Inuenio quoq̄
 nonnullos authores, qui paruam Mure-
 nam pro Lampetra intelligāt, ut ait Athe-
 næus autoritate Dorionis, apud quē flu-
 uialis Murena, quæ marina sit multo mi-
 nor, Gallaria nūcupatur, quoniam unam
 tantū habeat spinam. Potest quoq̄ acci-
 dere, ut idem sit Gallaria Athenæi, & glo-
 riosus Galaxius Galeni, unius literę com-
 mutatione: neq̄ mirum esse debet, quum
 utriusque authoris Græci codices corrup-
 tissimi habeantur. Albertus quoq̄ Ma-
 gnus Lampetram, Murenam paruam ap-
 pellauit, qui quanquam sit ineptus & bar-
 barus, minime tamē hoc somniasse pu-
 tandus

tandus est, quum ex ueterum potius com-
 mentarijs laboriosissime excerptis, quàm
 à multo nobilioris ingenij acumine tot,
 tantaq; uolumina condiderit. Id uero me
 plurimum mouet, ut Galeum pretiosum
 apud Græcos, nostratē hanc Lampetram
 nō esse existimem, quoniā is Galeus, qui
 Rhodi longe omnium delicatissimus est,
 ab Archestrato in eo libro, quo uitā quæ-
 rit Sardanapali, dicit esse Accipenser, qui
 Plinio authore rarus inuentu est, & squa-
 mis ad os uersis conspicuus. Verum ipsi
 Græci infinita quadam nominum conge-
 rie Accipenserem appellant, ut qui modo
 Ellopem, modo Callionymū, modo An-
 thiam, & pulchrum, & Calichthyn, quem
 etiam ministri cum tibijs coronati conui-
 uijs inferrent, eum uocare consueuerint.
 Sed ut arbitrer Lampetrā antiquitus fuis-
 se Mustelam, Plinius apertissime suadet,
 quū dicit in lacu Rhætiae Brigantino Mu-
 stelam esse marinæ æmulam. Namq; is ho-
 die Lacus Hydrius est in Tridentinorum
 finibus, qui proculdubio antiquitus fuit
 Brigātinus. Is emittit amnem Clisium, in
 quo Lāpetræ reperiūtur. Sebinus quoq;
 Brixiano/

Brixianorū lacus Brigantino proximus, qui hodie Hiseius dicit̄, & Olliū amnem emittit, ut plures eius accolæ mihi affirmarunt, aliquādo Lampetras Etruscis ac Romanis specie, saporeq̄ simillimas præbuit. Neque propterea dixit Plinius marinæ æmulam, quia captam mari intelligere uelit: marinæ enim sunt, quæ in Arno ac Tyberi capiuntur. Distant siquidē longo interuallo pulparum bonitate ab his, quas in alto mari expiscari aliquando solemus, quum subaridæ, agrestesq̄ sint, ita ut exprimere Plinius uoluerit Mustelas, quæ nunquā mare attigerint, sapore comēdandas dulcibus in aquis reperiri. Neque enim Pliniū Lampetras paruas (quas Lampetroccias uocamus) marinis cōparare uoluisse credēdum est, nam si de paruis intellexisset, ad Brigantinum ignobilem lacum & ipsis abstrusum in Alpibus minime fuisset recurrendū, quū, uti supra diximus, tota Gallia Cisalpina in omnibus fluuiolis ac riuis copiosissime reperiantur. Vnde uero Lampetrā antiqui Mustelam appellarint, incertū est. Verū ego piscem illum à longitudine, cādoreq̄ uen-

tris & à tergoris superioris subluteo colore (uti in quadrupedibus Mustelis uideamus) dictum esse putauerim. Fuere aliqui eruditiores nostræ tempestatis, qui Lampetram apud Plinium Lumbricum fuisse crederent, quū in nono dicat, Duæ omnino sunt pinne longis piscibus, ut Lumbricis & Anguillis & Congris, quū & Lampetræ sint longæ, & Lūbricis terrestribus certo confinio assimilentur. Verū locum ibi deprauatum esse ostendit Alcyonius uir doctus, quum Plinius eadem uerba ab Aristotele mutuatus esse manifesteprehendatur. Verba autem Aristotelis hæc sunt ex libro primo de natura animalium, Quæ autē in genere natantium pedibus carent, hæc aut pinnis natant, ut pisces, quorum alij quaternas, binas scilicet parte prona, & binas supina habent, ut Aurata, ut Lupus: alij binas tantum, qui longi, leuesque sunt, ut Anguillæ & Congri: aut nullas omnino habent, ut Murena, sed ita mari utuntur, ut terra serpentes, modoque simili repunt in humore. Theodorus autem uertit leuibus loco lubricis, quādoquidem in mēdosam Plinij lectionē incidit. nec satis animad-

animaduertit, quo pacto castigare eam oporteret, ut librariorū uitio lubricis dictionem in Lumbricis, addito in litera abijisse omnino credendum sit. Porro Hermolaus in castigationibus Plinianis nihil de Lumbricis differuit, in Corollario autem apud Dioscoridem, quum Mustelam nominaret, quis nam is piscis apud neotericos esset, cautissime subticuit: utpote qui de eo pisce nihil certi adhuc se cōperisse meminerat. Quod si hæc nonnullis qui inexplorata ueritate morosi sunt, minime satisfecerint, operæpretiū erit eos Lumbrici nomen pro pisce apud aliquem idoneum auctorem reperire, quod certe nunquā (nisi fallimur) uel accuratissima lectiōe poterit inueniri. At si Lumbricus erit piscis qui Lampetra dicitur, testimonio alicuius fortasse authoris ab inferis reuocati: quis demum cōtra piscis erit ipsa Mustela ab antiquis tātopere celebrata? Quum nullus ferè sit piscis palato gratissimus, cui suum nomen, idemq; antiquum non reddiderimus. Lampetræ igitur suauissimæ sunt, Martio tamē Aprilicq; mensibus tantum, nam incipiente æstate durescit neruus in-

terior, qui illis pro spina est. cæterum deli-
 catiores quodam condimento multo ma-
 iorem, quàm ab ipsis pulpis, nobilitatē ac-
 cipiunt. Necare enim eam in Cretico ui-
 no solēt, eiq; myristica nuce os claudere,
 & foramina illa totidem Cariophyllis ad-
 implere, in teganoq; conuolutam in spi-
 ras additis auellanis tritis, medulla panis,
 oleo, uino Cretico, aromatibusq; ad tem-
 peratiores prunas, certis momentis sedu-
 lo excoquere: quo cōdimento Leo x. in
 minore fortuna, ioci causa, ut conuiuium
 exhilararet, Marianum Cucullatū falsum
 & ridiculum hominē memorabili impo-
 stura decepit. Namq; funem instar Lape-
 træ incoctum, multoq; illo iurulento im-
 mersum grandi in patina apposuit, ut no-
 tam omnibus eius edacitatē, gulamq; elu-
 deret, q̄ iam magna pultarij parte absum-
 pta pseudolampetrā aggressus, diu, mul-
 tumq; cum ea maxillis ac dentibus inhæ-
 rente colluctatus, cachinnum cunctis tol-
 lentibus facetissime respondit, utinam sic
 mihi sæpius illudatis, nam in hoc condi-
 mento non modo funes, sed & ipsas cate-
 nas, quibus insani uobis similes uinciun-
 tur

tur, & cum uoluptate quidē absumerem. Cæterū Lampetrarū pulpis nullam uim noxiam inesse putandū est, quando & duricie & lento pingui prorsus expoliatae sint, quibus maxime cōditionibus pisces stomachis incommodi esse cōsueuerunt. Dicere autem eas ab occultiore potestate neruis aduersari, impudentis, uel scrupulosioris ingenij esse putamus.

DE TROCTA CAP. XXXV

Quid Trocta Romanis antiquitus fuerit, haud facile adfirmauerim, quādo unus tantū è Latinis Ambrosius, solusq; ex omnibus Græcis authoribus Aelianus Troctam nominarint: & id quidem admirādum est, quum omnium qui dulcibus in aquis generent, hic piscis longe nobilissimus æquali cunctarū gētium iudicio censeatur. quāobrem in hoc præfertim pisce condonandam mihi ab eruditis ueniam existimo. si ingenue me nondum eius uocabulū à ueteribus usurpatū reperisse, minime inficiabor. Sed Troctā de Luporū genere fuisse apud antiquos crediderim, uti Moderatus Columella curiosos atq; oculatos lectores admonere uideatur,

HH ; detur,

detur, quum Lupos sine macula piscinis includi posse asseueret, aliosq; esse Lupos dicat, qui Varij appellentur, ita ut Luporum alij sint sine macula, id est marini, qui & amnes subeant: alij Varij, hoc est fluuiales, qui dulcibus in aquis generentur, unde & Troctam ab aliquibus inglorijs authoribus Varium maiorē appellari uidemus. certe Trocta admodum uaria est nigricantibus maculis totum dorsum specie se pingentibus. Spigolæ uero unicolores potius atq; argenteæ esse uidentur, quam & ipsæ ueluti ad retinendâ Lupini generis appellationem, sub atris punctis, sed minoribus & languidioribus, q̄ in Troctis uideamus, notatæ sint. Neq; enim arbitrādum est, Columellam per Lupos traductos in Ciminum & Sabatinum lacus, uel Troctas uel Lutios intelligere uoluisse. superuacaneū enim fuisset Troctas indidisse, quarū maximā copiam suburbari amnes omni tēpore suggererent, ut ex Reatinis, Sublaqueanisq; & ex ipso Tyburtino Aniene quotidie uidemus. Præterea, neq; Romanæ luxuriæ, neq; admirabilioris magnificentiæ fuisset, alios quam pelagios

pelagios pisces illis in lacubus disseminat
 se. de marinis enim Columella loqueba-
 tur, & quidem nobilissimis, ut de Auratis
 & Murenis simul cū Lupis ipsis clare te-
 status est, quos tamē omes deficiente pau-
 latim eorum sobole, quum diu naturæ re-
 pugnare nequiverint, penitus interiisse
 manifeste videmus. Improbūq; illud fa-
 ctum & dictū luxuriosum Philippi apud
 Cassinatē hospitem certissimā facit con-
 iecturam, Lupum illum, quē ut insulsissi-
 mi saporis expuerat, & probro subinde
 fuerat persecutus, fuisse Troctam, quum
 in illis annibus Cassinatium, Soranorum
 & Arpinatium Troctæ plurimū capian-
 tur, quas Spigolis Tyberinis pinguiori-
 bus minime comparandas Philippus esse
 iudicabat. Plinius quoq; aliquos Lupos à
 candore Lanatos appellari dicit, & illud
 quidē proprie & erudite, nam Lupos, id
 est Troctas in uniuersum secundum car-
 nes rubescere, Spigolas autē pelagias pa-
 riter ac Tyberinas insigni candore albica-
 re clarissime constat. Cæterum Troctam
 non facile in Tyberi reperies, sicuti nec
 ipsam Spigolā alijs in annibus urbi pro-

pinquís . Cur autem solus Aelianus Troctam ampliore elogio celebrarit, propterea id accidisse putauerim , quòd ille fuerit Prenestinus , apud quos Troctæ plurimæ subiectis in amnibus capiuntur. Quæ etiam ratione Diuum Ambrosium Antistitē Mediolanēsem, ueluti Larianis Troctis affuetum, uulgato etiam tum eius piscis nomini inscriuere uoluisse credendum est. Sed Aelianus Troctam è genere marinorū facit, quæ cum Delphinis pugnare soleat, sic ut id nomen nostrati Troctæ parum conuenire uideatur. eam dicit continuos habere dentes, & eos quidem incisorios, captamq; hamo non retrocedere, sed continue sequi, ut eo deglutito, inferiusq; demisso lineam abrodat, propterea à piscatoribus hamos ansæ longioris fuisse excogitados: saltatrixq; ab eo Trocta appellat, quod & nos hodie uidemus, nam eas aduersos amnes, uel è præruptissimis etiam cautibus decidentes incredibili impetu subire cõpertum est : ab Nare enim fluuio in Velinum lacū, qui hodie Pedelucus est, stupēda uelocitate uolucrum modo ascendere creduntur. qui lacus ab altissi

mo montis uertice certis primo coarctatus angustijs, & mox tota aquarum mole præcipitat⁹, nec subiectis quidē cautibus madefactis, ueluti è cœlo in ipsum profluentem Narem effunditur. Nos quoq; Troctas maiores audiuius in Larij ripis lasciuo excursu extremas arenæ margines aliquando ad iusti passus longitudinem profulcasse. Troctæ longe omnium maximæ centum aliquando librarū pondus Lario in lucu progignūtur, & quidem omni alio, uel marino etiam pisce sapidiores, præsertim si Maio mense & in Breſciæ torrētis ostio capiuntur: mortuæ paucissimis horis summam illam saporis gratiam amittunt, quoniā ob pinguem illam teneritudinem quàm ocissime computrescunt. Coquuntur cōcisæ in tabellas in lebetibus lapideis torno fabricatis, simplici in aqua, multo sale indito, aliaq; subinde accersita cōdimenta penitus aspernātur. Musco enim quodam pruinae simili paulo post sponte emisso, rubētes pulpæ protinus efflorescunt, ita ut quum refrixerint multo gratiores esse uideantur. Morus tamen nobilis parasitus, qui plurima, crudi

tiora quæ in obsonijs pulmenta commentus
 est, Troctam cubitalem in præpinguis ca-
 pi iure coquendam esse censebat, sicuti &
 Phasianum adultum, quem mediocriter
 in eodem capi iure elixare, ac demum ad
 auertendam ariditatē, quæ torrendo con-
 ciperetur, omenti hœdini reticulo multis
 Cariophylorum clauis confixo inuolutū
 ad mitiorem prunarum uaporem in uerū
 percoquere consuevit. Soleo ego plerun-
 que mirari quosdam, qui ut sapiētiores ui-
 deantur, Benacinum Carpionem, Pada-
 num Silurū, & è mari plures pisces Laria-
 nis Troctis uel antepone, uel exæqua-
 re solent, & item Soranę Troctæ in eo ge-
 nere principatum attribuunt, quum maxi-
 me fallantur. Neque enim obsoniorū adeo
 imperitus esse possum, ut temere de hac
 re iudicare sim existimandus, quum ex su-
 pero, infero quæ mari, cunctis quæ prope totius
 Italię lacubus ac fluminibus nobilissimos
 pisces lautis sæpe cōuiujs gustauerim, &
 certa comparatione contulerim: sed for-
 tasse euenit, ut homines ea maxime pro-
 bent esculenta, quibus à pueritia insueue-
 rint, uti nobili accidit Florētino, qui quū
in

in cœna Leonis Pontificis, pelagñ pisces uario discumbentiũ iudicio certatim atq; impense laudarentur, extollatis ut lubet, inquit, conuiuæ marinos pisces, ego cete Thrasymeniã Tincã conditã Leucophago, his uestris Triglīs, Spigolis, & Rhombis prætulero. quod dictum ut insullum, omnibus præ risu lachrymas excussit, & in prouerbium paulopost receptũ, authori, qui antea ignotus erat, maximam attulit claritatẽ. Assueuerat enim ille Tincæ pisci, qui à Florentinis mediterraneis hominibus sacri præsertim ieiuniĩ tempore, in summo honore habetur. Troctæ pinguiores, ut sunt Larianæ, multo succo replere corpora, genitalemq; humorem copiose suggerere dicuntur, uti Auicena de omnibus prope piscibus, si recentes & calidi comedantur, uno edicto pronũciauit: ægris tamen euidentissime nocent, utpote quæ tarde, laborioseq; in stomachis aterantur & secernantur. At fluuiales, quæ aduerso torrentiũ impetu fatigantur, atq; occurrentibus inæqualium uadum petris illisq; castigatiora sumina & aridiusculas carnes ostendunt, medici blandiores ægris

ægris apponere, commendareq; non dubitant. Quas etiã in paralyticorũ cibarijs magnopere laudauit ille Plinius, qui elegantem librũ de morbis atq; remedijs cõscripsit. Fuit is proculdubio Plinio naturalis historię scriptore & Plinio Cæcilio posterior, uocatusq; est Plinius Valerianus Medicus, cuius marmoreum sepulchrũ Comi, ubi Pliniorũ familia floruit, in templo diui Proбини, aquæ sacre labello suppositũ, & pulcherimis incisum characteribus conspicitur.

DE TINCA CAPVT XXXVI

TIncæ nomen nouitium & recēs esse uidetur, quando eius piscis priscauithores, uno excepto Aufonio, nusq; meminert. Est tamen celebratus apud Ciceronem quidam facetus orator Placentinus, cognomine Tinca, q; fortasse ab eo pisce sit cognominatus, quemadmodum Florentiæ Laurētius Medices senior, uti erat perurbanus, cuiusdam celebris familiæ cuius suæ domi Tincam ingentem exquisita arte coctam falso iactati, Tincæ cognomen, quod illi postea fuit æternũ, indiderit. Ego uero palustres hos pisces nullo in pretio

pretio apud antiquos fuisse putauerim, & propterea nullis literarum monumentis fuisse celebratos, meque plurimum mouet Aufonius, qui Tincas & Lutios ignobilissimis piscibus adnumerauit, neque eum uetera uocabula subditis nouitjs nominibus suppressere uoluisse credendum est, quum caeteri omnes pisces ab eo ueteri nomine celebrentur. Sed Tinca, quanquam plebeius sit piscis, sicuti tota ferme Italia conspiciamus, & Aufonij quoque testimonio notum est, quum dicit, Virides uulgi solatia Tincas, aliquando tamen in lautorum mensas uenit, & ex his Romae, praesertim Marsicanae Fucino lacu, qui nunc Celanus dicitur. Fucinianae labrum inferius attritum habet, quod eius generis indicium est, quippe quae plurimum saxoso eius in lacus uado uolunt. Fert & laudatissimas paruus ille lacus quartodecimo ab urbe lapide apud Bacanam syluam, quam Antonino Pio nota itinerario esse uidemus, quibus non modo plebeij, sed splendidi etiam optimates saepius uescantur. Nobilis ille inter aulae proceres longe omnium aetatis nostrae popinalis lautitiae studiosissimus

sissimus, qui ducenta milia aureorū num-
 mūm in uentrē se cōdidisse aliquādo glo-
 riatus est, Tincas Bacanianas autūno ca-
 ptas, alio, laridoq̄ contritis, additisq̄ odo-
 ratis oleribus & multo aromate, in tega-
 nis ad uaporē tepidioris furni felicissime
 percoquebat. Fert & Tincas, quanq̄ mi-
 nores, sapore tamen minime contēnendo
 Sanctæ Praxedis lacus, in Latij, Sabino-
 rumq̄ finibus, q̄ Regillus antiquitus fuit,
 illa nobili deuictis Samnitibus pugna ce-
 lebratus, sed eæ cū Raijs & Squatinis, cæ-
 terisq̄ uilissimis piscibus apud Pātheon,
 ignobili foro infimis hominibus uenun-
 dantur. Platina in culinarijs suis foede la-
 psus est, quū Tincas antiquitus Mænas
 fuisse existimauit, quæ sine controuesia n̄
 sunt pisces, qui Menulæ uel Giruli à Ve-
 netis appellantur, pisces inquam noti, &
 Ciceronis autoritate uilissimi. Cæterum
 medici Tincis omnibus uim quādam in-
 esse ad progignendam febrem existimāt,
 quoniam maxime in cœnosis degant, &
 putrescentis limi sordibus uescantur. Ve-
 rum eas scissas per dorsi lōgitudinem, pe-
 dumq̄ & manuum plantis applicatas ar-
 dentis

dentis febris feruoribus plurimum aduer-
sari quidam putarūt ex secta Iudæorum,
qui quanquam solidide admodū, & riden-
tibus alijs talia experirentur, aliquando ta-
men ipsis æstuātibus exoptata blādimen-
ta feliciter attulisse comperti sunt.

DE LVTIO CAP. XXXVII

LVtius nusquam mari, ubiq; autē sta-
gnis ac lacubus cum Tincis frequen-
tissime reperit̃, qua una ratione, qui eum
antiquitus Lupum fuisse existimant, ma-
nifeste cōuincuntur. Ausonius quoq; Lu-
tium nōminat cum Tinca, quē tamen ab
olido nidore ingratū mensis esse testatur:
propterea non facile dījudicauerim, an is
sit qui Lutius ab Italis, à Gallis uero Bro-
scettus dicitur, quoniam is inter gratos se-
cundæ classis ipsorum fluuialium, in Gal-
lia Belgica atq; Britannia censeatur. Ven-
ditant eum omni tempore uiuū, innatan-
temq; ligneis uiuarijs Britāni, uentrēmq;
illis ultro cultris aperiunt ad ostentādā
eorum pinguedinē, quæ plagis exprimi-
tur, ut emptores aspectu suminis allician-
tur: neq; refutati propterea cōmoriuntur:
coeunt enim protinus patentia uulnera

Tincarum

Tincarum contactu, quod earū tenaci illuue, ueluti glutinosa medicamine solidentur. Thrasyminus lacus eius generis longe maximos, atq; optimos nutrit: bicubitales enim aliquando excessere magnitudine. Post Thrasyminos è Cimino, qui hodie Rufilloni lacus dicitur (fuit is uicus antiquitus Rus Syllanum) laudationes Romæ habentur. Nam quos præbet Bracciani lacus, qui olim Sabatinus fuit, & sapore & magnitudine sunt inferiores. Effigiem Lutij quum de Lupo ageretur, adamussim expressimus, ita ut posteris, quem ego piscem Lutium nominarim, minime sint dubitaturi, hic piscis admodum salubris omnium medicorum iudicio putatur. Cæterum ab insulsa quadam pulparū siccitate nullam unquam in optimatum mensis laudem uel commendationem adeptus est. Ita ut ij nostrates Lutij cum Gallicis dignitate minime sint cõparandi, & te, tuosq; cõuiuas lautissime Ludouice aliquãdo deceperint, quum obsonatores Gallii incõperto adhuc agrestium illorum sapore, dum emerēt, sola proceritatis specie ducerentur: non enim maximi
semper

semper optimi . nam in omni genere piscium media ætas, quæ nõdum summam magnitudinẽ impleuit Cornelij Celsi auctoritate commendatur. Cæterum Lutorum mandibulæ tostæ, in pulueremq; reductæ, si aurei pondere cum uino sumantur, in uesica & renibus calculos frangere consueuerunt.

DE RAYNA SIVE BURBA,
RO CAPVT XXXVIII

A Lunt singuli Italiæ lacus suos pisces, qui cæteris eius generis anteferantur. Nam sicut in arboribus, cæterisque animalibus uidemus, sic & in ipsis aquatilibus contingit, ut aliæ atq; aliæ aquæ diuersis piscibus occultiore quadã proprietate, uel à terreno, uel à pastione, uel ab ipso demum cœlo prorsus accersita, non solum ad maiorẽ corporis amplitudinẽ, sed etiam ad ipsam saporis felicitatẽ plurimum cõferre uideantur. Probare etenim ficus è Liguria solemus, Etrusca persica, Vesuinas uuas, à Clodia fossa, Padiq; ostijs melopepones, Appulas amygdalas, Campana malagranata, Picẽtes oliuas, è Romano agro poma apia, è Sabino pira
II mustca,

mustea, Tarentinas iuglandes, Castaneas
 è Clauenna Rhæticiis proxima Alpibus,
 Nursina rapa, & ex Umbria expetita Ro
 mæ terræ tubera: ex animâibus itē boues
 Insubres, iuuenas Romanas, Tuscos a/
 pros, uitulas Surētinas, hœdos Umbros,
 arietes Pistoriēses, gallinas Patauinas, &
 columbas Interamnēses, à magnitudine,
 saporeq; plurimum cōmendamus. Larius
 igit lacus ob longitudinē à Virgilio ma/
 ximus nūcupatus, pisces longe omnium
 maximos gignit, Troctas centū aliquādo
 librarū pondere, & Barbaros ducentarū.
 Sed Barbari illi ingentes uideri potius li/
 quidīs ac p̄spicuis in undis, q̄ capi retib⁹
 possunt, quū ea impotēti impetu plerūq;
 dilacerent. subeunt solstitij diebus umbro
 sos specus, in rupib⁹ Licinianis, quæ sunt
 in aduersa Larij ripa contra Insulam, Euri
 pumq; illū gemmeū à Cæcilio Plinio cele
 bratum. Eos industrius quidā sacerdos sa
 gittis arcubalista emissis, quum in profun
 do quiescētes fuscinis atq; tridentibus at/
 tingi nō possent, uulnerare conabatur, ne
 que tamen sagittæ longo alligatæ fūnicu
 lo, nisi auersis officiebāt, quū illa squama
 rum

rum serie thoracati earū ictus facile repellerent. Sunt & in Mantuano lacu, q̄ restagnāte Mincio amne late diffunditur, Barbari pisces sapore longe optimi: nam Lariani sola magnitudine sunt insignes, raro ḡ bipedalem excedere magnitudinē solēt, lati sunt, & ingentiū subauratarū squamarum specie, rotūdoq̄ item labro auri colorem referēte, pinnisq̄ pariter subcroceis, lōge pulcherimī: eos Veneti Raynas, ipsi uero Ticinēses, Placentiniq̄ & cæteri Padi accolæ Carpenas appellant, humidiores carnes, sed tamē innoxias habēt, quod nō tenaci, sed aqueo potius humore abundant, Lingua autē maxime ualere dicuntur, nam & sapore præstat, & uim habet augēdæ ueneris, sicuti in Tincarū & anatum linguis experimur.

DE POLYPO, SÆPIA, ET LOLLIGINE CAPVT XXXIX

PReter squamosos pisces, & lubricos, & planos, est etiā molliū genus, sic dictum, quoniā ad tactū molle sentiatur, ut sunt Polypi, Loligines, & Sæpiæ. Cōstat Polypus corpore admodum paruo, & in medio ad emittendā aquā fistulato, quod

pluribus brachijs, & crinibus instruit, quibus, uti est omnium ferme piscium solertissimus, obuia quæque comprehendit, ligat, inuoluit, atque flagellat, & ipsis denique ostreis siliceo tegumēto egregie munitis insidias molitur. Sūt enim ei cirri multiplices, plurima in extremis prætenturis acetabula, itemque frequētes pediculi, manusque plicatiles, quibus admiranda facinora dum uenatur, edere cōsueuit: hiantibus siquidem conchis lapillū imponit, ut illis sese occludendi facultatē eripiat. Leonē, qui ualidā Murenā chelarū forcipibus necat, cirris inuoluit, cōplexumque sugendo paulatim interimit. Repit quoque frequēter in terrā, oleas ascēdit, & in ædificia aliquādo transgreditur. Refert Plinius Polypū insignis audaciæ, ac magnitudinis in cetarijs Hispaniæ irrepisse noctu ad lacus ligneos, falsamentaque exedere, & populari consueuisse, ad extremum præfectis fures obseruantibus, latratu canū deprehensum, expugnatumque totius familiæ concursu, atque ægre telis ac tridētibus fuisse confectū, cuius cadauer ad insignis pugnæ memoriā Trebius Niger procōsulī L. Lucullo transmiserit.

miserit. Polypus ultra bimatū non uiuit, quem expirare in Venere aliqui prodiderunt. Caput eorū cartilagine cōstat, quæ celeriter durefcit, immaturamq; illis fenectam adferre solet. Carnes Polyporū, Galeni atq; Athenæi authoritate, duræ sunt, & difficillimæ digestionis: si uero concoquantur, non omnino malum aut exiguū præbent alimentū. Salsugine autē sua Veneris pruritū excitant, & mirifice languidis, atq; defessis auxiliātur. Afferūtur Venetias ex Illyrici, Dalmatiæq; ora sale inueterati, quorum acetabula & extremitates cirrorū à senibus ad parandā sobolem expetuntur. Alexis poeta in Pamphila, ut citat Athenæus, quū incitamēta Veneris percenseret, Bulbum, & Polypū ante alia celebrauit. Plinius quoq; ille, qui de medicina librū cōscripsit, ut alibi diximus, Polypos cardiacis cōferre arbitratus est. Sæpia autē & Loligo in hoc differunt, quod Sæpia latior, Loligo longior est. hæc rubrum, illa nigrum in timore liquorē emittit. Inest Loligini, quæ hodie Calamarium dicitur, gladiolus perspicuus & Chrystallo persimilis, Sæpia autem corpulentiam

quandā habet inter spinam & os mediā naturæ fungosæ atq; friabilis. Vtriq; sicuti & in Polypo, sunt barbæ, crines, & acceptabula, sed aliquanto breuiora, quibus escam corripunt: corporū uero alueli aliquanto capaciores q̄ in Polypis, quod natura prolixioribus postea capillamentis in Polypo compensarit. Sæpia, ut ait Athenæus in libro de medicina piscium, elixa uentri cōfert, succus eius subtilem reddit sanguinem, & mouet crism per hæmorrhoidas. Oua aut̄ eius, authore Plinio, urinam cient, renumq; pituitas detrahūt. In uniuersum uero, mollium genus difficillime in stomachis cōcoquitur, si autem coquatur, plenius nutrimentū præbet. Quæ ratione, ut ait Athenæus, uenerem excitare dicuntur, nam in cōcoctionibus primis, quæ maxime laboratur, uentum plurimū generari necesse est, quo maxime uirilia inflescunt; & uenus ipsa uel in senibus, quam languidula, reuiuiscat. Nobis uero manifeste cōpertum est, quæcunq; obsonia ex mollibus piscibus conficiantur, in stomachis studiosorū, aut ociosorū æger time coqui, multa q; subinde incommoda corpori

corporibus adferri, quoniam primæ digestionis uitia in hepatis, ac uenarum secretionibus recte corrigi non possunt, neque sanguis ad idoneam puritatem elaborari. qua maxime de causa, Clemēti Pontifici Maximo ex huiusmodi mollibus obsonia appetenti, in mensa palàm totum eorum genus sæpissime sim detestatus.

DE LOCUSTA CAPVT XL

MOllibus piscibus Crustacei succedunt, inter quos Locusta primam obtinet dignitatem, eam Aristoteli Carabum esse Theodorus existimauit. Oppianus autē pro Carabo Leonem intelligit, qui Theodoro sit Cammarus: nam ubi prælium Carabi cū Murena multis uersibus elegantissime describit, Carabus denticulato forcipe instructus exprimit, quo Murenæ collum corripit. Cæterum sine cōtrouersia Locusta est Carabus, quanquā, ut ait Hermolaus, hæc nomina cōfundantur. Pedibus siquidē eius forcipes desunt, ut ait Aristoteles. Præterea Locustam corpore rubenti, aculeato & aspero esse constat, ut ex Suetonio etiam apparet, qui Tiberiū ait, apud Capreas piscatori faciem.

Locusta perfricari iussisse, quòd ille à tergo in sulcæ per deuia atq; aspera, ut Locustam dudum captam offerret, ad se improuisus erepsisset. Contrà uero Cammarus, qui Leo apud Pliniũ est, uti etiã nunc uulgarì appellatione nuncupamus, & forcipes habet pro manibus, & corpore leui atq; cœruleo, multisq; subnigris maculis splēdet, ut Aristoteles pulcherrime depinxit, & nos quotidie uidemus, quẽ etiã Astacum appellauit Oppianus: nos uero Cãmáros appellamus eos, qui dulcibus in aquis reperiũtur, ad paruorũ Leonum effigiem, qui dum coquũtur, protinus rubescũt: eorũ maxima habet copia in Gallia Cisalpina, quæ est frequentibus amniculis irrigua. Sunt & Maiæ grãdiores, rotundiore uentre, gressu in terra segnes, in aquis autẽ uelocissimæ, Veneti Granceuolas uocant, quarũ rotundioribus testis specula includere ad elegantiam solēt. Sunt & Paguri, Granciporri hodie nuncupati. Item Squillæ, siue Chelis, quas Oppianus, cæteri q; omnes Græci Carides appellant: eas mirũ in modũ commēdauit Apitius in coquinario opere, Romani hodie

Camme

Cammerugias & Pernocias uocant. Sunt qui arbitrentur Squillas esse id Cancrorū genus, quod Gibbum Aristoteles appellauit, uidentur enim Squillæ admodum Gibbæ. Quid autem sit Squilla Iuuenalis illo in carmine,

*Aspice quàm longo distendat pectore lancem
Quæ fertur domino Squilla.*

Ego putauerim illum Crustaceorū nomina cōfudisse, uoluisseq̄ intelligere pro Squilla Locustam, aut Leonē, qui dominis apponi consueuerint: per Cammaros autem illos scilicet paruos designasse, qui Locustarū ingentiū collatione, ueluti minutili, ignobilioribus cōuiuis apponerentur. in uniuersum Crustacea ab ouis commendatiora sunt, pinguescereq̄ solēt plenilunijis: authore autem Galeno totū Crustatorum genus ob carniū duritiem difficillime cōcoquitur, falsumq̄ humorē adgenerat, sed aliquanto mitiorem ipsis Testaceis, de quibus mox agemus. Cācri autem & Cancelli, qui caudā non habent, latoq̄ corpore & ualde rotundo constant, quiq̄ colore rufescunt, & appensi lineis apud sacellū Hadriani pōtis uenūdantur,

II 5 . hecicis

hecticis & lenta febre laborantibus mire
 cōueniunt, quoniā humidū, leueq̄ & ual
 de refrigerans alimentū præbent, præfer
 tim si (uti præcipit Galenus) in aqua præ
 decocti magna ex parte falsuginem inna
 tam exuerint. hūc Cancrū, qui Græce est
 Carcinus, si in patella uratur uiuus, sub ca
 nis syderis ortū, quū sol in Leonē Zodia
 ei transit, à rabido cane cōmorſis mirifice
 auxiliari Aescrion Galeni præceptor af
 firmauit. Pelops aut̄ medicus Galeno etiā
 familiaris, id à qualitate materię ipsi⁹ Cā
 cri, nō aut̄ à peculiari eius naturæ proprie
 tate prouenire testā, cuius opinionē ne
 mo ferè secutus est. Sed Dioscorides intel
 lexit de fluuiialibus Cancris, quos cum ui
 te alba concrematos admista gentiana, ra
 bie affectis prospere semper exhibuit.

DE OSTREIS ET ALIIS TESTACEIS CAPVT XLI

E Testaceorum genere Romæ in præ
 tio habentur Ostrea, Pectunculi, &
 Tellinæ. Ostrea mittit Corsica, sed raro,
 & sæpe olida, quoniam aduersis tēpestati
 bus impedita nauigatione, uel prædoni
 bus Mauris intercluso mari, non facile ad
 urbem

urbem perueniunt. Ea uero quæ à Pisauri litore paucis ante annis afferebātur, extincta ueluti earū progenie penitus abierunt. Ostrea, quū Romana res magnitudinis atq; luxuriæ fastigiū teneret, à Brundisio in Lucrinū lacum transportabātur, quæ ueluti ea peregrinatione gaudentia, adoptataq; dulcibus aquis mirifice pinguescebant. Fuereq; Ostrea adeo in honore ipsis gulæ proceribus, ut in remotissimas à mari regiones ligneis lacubus apportarentur. Refert Athenæus Apitiū nobilem parasitū, qui superioris nomine appellari promeruit, uasis summa industria fabricatis ad Traianum in mediterraneis Mesopotamiæ cōtra Parthos bellum gerentē recentissima Ostrea detulisse. ea maxime probantur, quæ magnarū nauium carinis adhærent, & ab urinatoribus de manu colliguntur. In uniuersum Ostrea, ut ait Galenus falsum humorē aggenerāt, & præsertim si cruda comedātur, propterea rentiginem in salacibus plurimum adaugent, aluum quoq; ea mouere Plinius medicus asserit, qui & eorū testas ambustas dyssentericis prodesse, frixā uero eorum

carnem

carnem à ueneno comesti Leporis mari-
ni liberare testatur. Plinij autē naturalis hi-
storix scriptoris autoritate, stomachū re-
ficiunt, fastidijs medentur, molliūt leniter
aluum, tenasmonicos iuuant, & Veneris
pruritū falsugine sua uehemēter incitant,
coctaq; in testis destillationibus profunt.
Affinem Ostreis Pectines siue Pectūculi,
quos hodie Cōchulas dicimus, naturā at-
que saporē habent, sunt striatæ & subru-
bra carne, & in Tarentino sinu laudatissi-
mæ & grādiōres; quæ auriti Pectines La-
tine appellantur, unde Horatius dixit,
Pectinibus patulis iactat se molle Tarentum.

Seqūtur parua illæ Cōchulæ, à uete-
ribus Latinis Mytili, à Romanis autē ho-
die Græco nomine Tellinæ nuncupatæ,
quæ bellariorū locū obtinent, sunt enim
gratæ gustui, uerū arenulis scatēt, & pro-
pterea calculosis officiunt. Cinerē earum
casum pilorū in palpebris prohibere Ori-
basius affirmat. Sunt & alia Concharū ge-
nera prope infinita, ut Purpurę, Buccinę,
Aures, Dígiti, Vngues, Patellę, Cochleę,
quæ cōsultò præterimus, quoniā suburba-
no in mari rarissime capiātur, Est & Echi-
nus

nus nō ingratus principū mensis, spinoso castaneæ tegumēto assimilatus, cuius generis est Echinometra multo maior, in alto tantū mari p̄genitus, quē Aristoteles urinę destillationibus efficacissime mederi testatus est. Venit & inter mensarū delicias Vertibula siue Vrtica, callus quidam ad magnitudinē iuglandis, cuius duricies ut ait Aristoteles, media est inter testā & coriū, colore subpallido & rubenti, ea frequenter in Pyrgorum litore ad Centumcellas reperitur, quam sicuti palato iucundissimam, ita & stomachis minime insalubrem esse conijcimus.

DE SALSAMENTIS CA. XLI

Superest ut de falsamētis pauca attin- gam⁹, quæ adeo in honore apud Græcos fuerūt, ut Atheniēses Chereprili, qui falsamenta uenditabat, filios in gratiam patris ciuitate donarint. Romani quoque huic rei plurimū studuerūt, ut ex Plinio licet cōiectari. Garū ante alia in pretio fuit, liquamē ex salitorum Scombrorū muria confectū, quod in uarios culinæ usus ueniebat. conficiebatur optimū in Afrīca, quod sociorū quoq; appellatū est: sed id
hodie

hodie penitus exoleuit. Maxima nūc gra-
 tia est Cephalorū ouis, quæ geminis folli-
 culis circumcisa parte suminis, recentibus
 Cephalis eximūtur, quæ Græco nomine
 passim Oa Taricha, id est salita nūcupan-
 tur. Secundū Oa Taricha eminet Cauia-
 rium, quod ex Sturionū ouis in Pōto con-
 ficitur, ita ut salita in massam ingētem co-
 gantur, & cadis includantur: cruda ea co-
 medimus, uel in panis crustulis ad prunas
 ustulatis: modico enim igne falsamēta in
 uniuersum indigēt, autoritate Athenæi,
 qui quum de celeriter factis loquimur, in
 prouerbiū celsisse ait, citius quæ falsamenta
 coquātur, sicut de Asparagis Latini usur-
 parunt. Cauiaria Iulio secundo Pontifici
 Maximo mirifice placuerunt, quod deie-
 ctum ei ciborū gustū sæpius alleuassent,
 & siti, uinis quæ pariter, ut in senibus acci-
 dit, mire lenocinari uiderētur. Sunt etiam
 in summa cōmendatione ex ipsis Sturio-
 num pulpis Spinalia, sic uulgo nuncupa-
 ta, quæ laricinis lignis assimilantur. Lau-
 dant & Moronē, ignoti nobis piscis præ-
 dura frustra, ualde quæ rubētia, quæ Maoti-
 dis paludis accolæ mercimonij causa trās-
 mittunt,

mittunt, ea prius exedi cōmode non possunt, nisi aquæ calidæ perfusione molliantur. Sardæ, quæ Plinio, Theodoroq; sunt Trichiaë, itemq; quæ uocantur uulgo Aleces, aliquanto Sardis minores, in magno usu alendis familijs existunt. Sunt n̄ digitales pisciculi, qui lōge optimi in Liguria saliantur, eos aliqui Apuas esse uoluerūt, quæ authoritate omniū ferè antiquorum ex limo fiunt, & in magna copia apud Pyreum Athenarū portū capiūtur. Ex Cimbricis quoq; litoribus Aringhæ, pedales pisces in cratibus sale ac fumo inueterati nobis afferunt, quibus Hermolaus quum eas citaret propriū nomen nō indidit, utpote qui Alecis uocabulū ab illis gētibus usurpatū nō probabat. Adducūtur quoq; ex finibus Gothiæ, atq; Noruegiæ cubitales Merlucchiæ, adeo duræ & extentæ, ut fustibus assimilentur, quas in delitijs Germanorū, qui urbē incolunt, esse uidemus. Sed Thynnus præcipue fora omnia & tabernæ salsamentariorū replent, de quibus late in proprio capite differuimus. Salmones etiā Gallia Belgica quotannis mittit, sed in plebis usum, quū saliti pristina nobilitatem

bilitatem amittant. Cæterū ex salitis pal-
mam, omniū cōfessione etate nostra, obti-
nent Carpiones ex Benaco lacu, qui sub-
frixi modice saliantur, referunt ij Troctia-
rum saporē, atq; ipsam corporis speciem,
nam & pulpæ eorū rufescunt, & argētea
tergora uarijs punctis depinguntur. Sed
quæ in Troctis nigra sunt, in Carpioni-
bus rubra cōspicimus, ita ut is piscis, qui
Aufonio Salar uocatus est, proculdubio
esse uideatur, quum in Mosella dicit,
Purpureisq; Salar stellatus tergora guttis.

Nullibi quàm in Benaco ex omni Ita-
lia Carpiones gignuntur. propterea factū
esse crediderim, ut antiqui q de piscibus
scripserunt, ueluti de ignoto pisce potius,
quàm de ignobili nullam fecerint mentio-
nem. Porro omnis generis Salsamēta san-
guinem inflammāt, bilem augēt, & stran-
gurijs obsunt: his uero q multa insulsa pi-
tuita repletū habent stomachum, siccādo,
detrahendoq; auxiliātur, immoderate ue-
ro his utentes, uel etiam senes ipsos uehe-
menter ad Venerem incitare plerique au-
thores tradiderunt.

F I N I S .

ANTIQUA ET RECENTIORA
 nomina piscium marinorum, lacu-
 strum, & fluuiatiliū, quæ in
 Iouij Cōmentarijs
 continentur.

A

Acanthia	cap. 27
Acipēser	cap. 1. 34
Acon	17
Acus	32
Alec	18
Alofa	17
Alutarius	13. & 18
Amia	7
Anguilla	33
Anthia	34
Apua	21
Araneus	4
Astacus cancer	5
Asellus	20
Attilus	4
Attricilla	24
Aurata	11. & 19
Aures	41
Adelus	4. & 5

Albores	cap. 13
Aleces	42
Aringhæ	ibid.

B

Bacchi	10
Banchus	20
Barbus	16
Battipota	28
Bellona	32
Bos	5
Boca	19. & 21
Bruccus	29
Buccina	41
Buglossus	26
Bulbus	39
Burbarus	38
Bottetrissa	22
Brossettus	37

KK Cal

V O C A B U L A

C		Conger cap. 30	
Callaria cap. 20		Conchula 41	
Callionymus 34		Cordylla 6	
Calichthys ibid.		Coruus 8	
Cammarus 40		Coracinus ibid.	
Cammarugia ibid.		Cothona 22	
Canicula 3		Capidolius 2	
Cancerus 40		Capo 16	
Cancellus ibid.		Carpena 38	
Capito 10, & 16		Carpio 35, & 42	
Caulinus 22		Cauariũ 4, & 41	
Carabus 40		Citula 27	
Carcinus 11		Columbus ibid.	
Centrina 7			
Cephalus 10		D	
Cestris ibid.		Delphinus cap. 4	
Carcharia 4		Dentix 12	
Carides 40		Digiti 41	
Charax 12			
Chalcis 27		E	
Chelones 10		Elops cap. 34	
Cytharus 16, 21, 27		Efos 4	
Cittulus 21, & 27			
Clupea 1, & 17		F	
Coccyges 20		Faber 8	
Cochlea 41		Flator 2	
		Fici	

PISCIVM

Fici	cap.	20	Lamia	cap.	4
Foterisia		28	Lechia		7
Fragolini		13	Leo		40
Fricura		19	Lepus		18
			Leuchistus	10.16.17	
	G		Lingulaca		26
Galeus	27. &	34	Limaria		6
Gallaria	31. &	34	Locusta		40
Gallazius		34	Loligo		36
Galeotes		4	Lopida		7
Girulus		36	Lumbricus		34
Glaucus		20	Lupus	4. 9. 11. 35	
Garum	18. &	40	Lucius	4. 35. 37	
Gobio		22	Laccia		17
Gobius	ibid.		Lacertus		19
Granciporrus		40	Lampetra		34
Granceuola	ibid.		Lupacius		4
	H			M	
Hycca		4	Melandria	cap.	6
	I		Melanurus		24
Iulida	cap.	4	Mæna	ibid.	
Iecinores		13	Mænula	ibid.	
Ioctius		17	Merula		20
	L		Myxinus	ibid.	
Labeo	cap.	10	Mugil		10
			KK	2	Muco

V O C A B U L A

Muco	cap.	10	Pagurus	cap.	40
Mulus	9. &	18	Palamia		6
Mulus barbat ⁹ ,	&		Patellæ		41
barbatulus		16	Passer caput		24.
Murus		32	& cap.		25
Murena		11	Pastinaca		29
Murena parua		34	Pectunculi		42
Mustela		34	Pectines	ibid.	
Merluzus		20	Perca		24
Merlucia		1	Percecus		24
Moro		42	Pernocia		40
	N		Phagri		13
Nigricauda		24	Phyliter		2
	O		Phycides		20
Oa Taricha		42	Phocena		4
Oculata		24	Pigus		1
Orca		2	Piscis sancti Petri		
Orcynus		6	caput		27
Orphus		16	Polypus		39
Ostrea		41	Pompilius	6. &	21
Ochialis		24	Psammatida		4
Oculatella		28	Psammitis	ibid.	
Organus		16	Psitta		25
	P		Porcellus		4
Pagri	cap.	13	Porcelleta	ibid.	
			Purpuræ		41
			Raia		

PISCIVM

R

Raia	29
Rayna	38
Raphis	32
Rhinobates	29
Rota	2
Rhombus	25
Roscettus	16

S

Salar	42
Salmon	ibid.
Salpa cap.	14
Salfamenta	42
Saperda	8
Sargus	15
Saurus	19
Sardæ	42
Scarus	1. & 11
Scylla	4
Sciena	5
Sciurus	21
Scombrus	19
Scorpio	23
Scorpena	ibid.
Sæpia	39

Silurus	4
Sinodon	12
Solea 24, 25, & 28	
Squilla	40
Squatina	29
Squatraia	29
Schinalia	4
Spigola 4. & 9	
Spinalia	42
Sturio	4
Stella	7
Sulius	4

T

Tarantellū cap.	6
Tellinæ	49
Thynnus 6. & 42	
Thriffa	17
Tinca	36
Tomus Thurian ⁹	
caput	4
Torsio	4
Torpedo	27
Trachurus	19
Trachina	ibid.
Trachida	ibid.
KK 3 Trigon	

VOCABVLA PISCIVM.

Trigon	cap. 29	Vngues	41
Trigla	18. 19. & 21	Vrtica	ibid.
Trichiaë	4. & 11	Vmbrina	5
Trocta	9. & 35		
Turdus	20	X	
Turtur	29	Xyphius	4. & 6

V

Varius	9
Varollus	4. & 9
Vertibula	41
Vmbra	5

Z

Zaphirus	11
Zeus	8

FINIS.

BASILEAE IN OFFICINA FRO-
beniana, per Hieronymum Frober-
nium, & Nicolaum Episcopiũ,
Mense Augusto, Anno
M. D. XXXI.







